

本草彙言

本草彙言卷之五

錢塘 倪朱謨純字甫集選 男倪洙龍沖之氏蕪橋

沈 瑄西與甫校正

草部 毒草類

大黃味苦氣大寒性微瀉氣味俱厚沉而降陰也入手足陽明太陰厥陰六經血分之藥生用性烈酒醋薑汁製其性稍緩各因其用也

向隱居曰出河西山陰及隴西者為勝益州北部汝山
西山者次之二月卷生黃赤放葉時四門相當酷似羊
蹄葉粗長而厚莖高三尺許味酸而脆三月花黃五月
實黑八月采根大者如盤小者如拳長二尺許切片陰
乾文理如綿質色深紫修治切作薄片以文如穀紋緊
厚者佳到細又以水潤透蒸之晒乾再潤再蒸再晒凡
七遍色如烏
存者為度

○大黃瀉滌腸胃通利閉結攻擊積聚破散瘀血催逐留
飲并宿痰宿食之藥也味大苦氣大寒其性沉而不浮
走而不守凡病在五藏腸胃之間瘀血食飲有形之物
及天行君火之邪銷鑠津液壅閉藏府或傷寒溫病熱
病實熱裏熱熱結中下二焦二便不通諸證咸宜用之
按經曰實則瀉之大黃氣味大苦大寒性稟直遂長于
下通峻利猛烈橫驅直搗一往不返特有將軍之號故
凡腸胃積聚由于脾虛中氣不運而由于食飲停滯
者閉結由于血少腸燥而由于熱結不通者瘀血由
于胃虛脾弱而由于蓄滯停留者留飲由于胃陽其
氣不充而生而由于陰寒水濕成者宿食由于脾弱

不瀉而不由于邪熱內結者。女人腹痛。由于厥陰血虛。而不由于經阻不行者。痢疾。由于風客胃腸。尚有表證未清。而不由于裏實有積滯者。吐衄失血。由于陰虛火起于下。炎燦乎上。熱血妄行。溢而上竅。而不由于血分實熱者。腰痛脚氣。由于下元先虛。濕熱下流。而不由于風濕外侵。瘀血內閉者。癰疽腫毒。由于心氣不舒。肝氣鬱通。以致營氣不從道于肉裏。乃生癰腫。而不由于膏梁厚味。醇酒炙煇。血分積熱成者。咸宜忌之。以其損傷胃氣故也。故傷寒方調胃承氣湯中。用甘草以和之。正謂是也。輕發誤投。多致危殆。戒之慎之。

方龍澗先生曰。凡蘊熱之證。藏府堅滿。直腸火燥。而大

便結癰腫初發毒熱熾盛而大便結肥甘過度胃火盛而大便結縱飲太甚脾火盛而大便結必用苦寒以大黃可也至若跌撲損傷血有所瘀閉而不行用桃仁紅花之劑必加酒炒大黃又有陽明胃火痰涎壅盛喉閉乳蛾腮頰腫痛及連口齒用清痰降火之劑必加薑製大黃若光明科以之治目在時眼初發時以之瀉火可也瘡腫科以之散熱拔毒在紅腫時解毒可也如產後去血過多血虛閉而便不行當用養血潤腸之劑必禁大黃為要又若老人氣虛血閉當用麻仁丸肥人痰閉當用半硫丸大黃亦所必戒治者不可畏而不用亦不可忽而輕用若元虛不足者不可用恐正氣耗而亡陽

也。風寒表證未解，不可用。恐裏氣一虛，表邪內陷也。裏證當下，脈勢無力，不可用。恐熱邪去而正氣脫也。故陽證當下，誤下早而表邪內陷，成結胸。裏證當下，誤下早而餘邪留結成痞氣。是用大黃之悞也。要訣曰：氣血者，有形無形之分也。如熱在氣分，無形之邪也。熱在血分，有形之邪也。有形之邪，當用大黃瀉滌之。若無形之邪，而用大黃，是謂誅伐無過，悞之甚矣。然張仲景立大陷胸湯丸，皆用大黃實瀉胸胃血分之邪。若結胸在氣分，則用小陷胸湯。痞滿在氣分，則用半夏瀉心湯。如是則氣分血分之別，若冰炭之不同矣。可忽乎哉。又按仲景治心氣不足，吐血衄血，用瀉心湯，以大黃黃連黃芩。或

曰心氣既不足而亦補心更瀉心何也。自若心氣獨不足則不當吐衄血矣。惟有邪熱客之因而不足故令吐衄血也。李者以苦泄其熱以苦清其心。蓋一舉而兩得之也。朱丹溪又云瀉心湯者因本經之陽火亢甚以致陰血妄行飛越故用大黃瀉去亢甚之火使之和平。且心之陰不足則肺與肝各受火邪而病作。故用黃芩救肺黃連救肝。又肺者陰之主肝者火之母。肝肺之火既退則陰血歸其原矣。何吐血衄血之有耶。

沈則施先生曰凡病在氣分及胃寒血虛并妊娠產後及久病年高之人並勿輕用大黃其性氣苦寒能傷元氣耗陰血也。

○集方治腸胃中一切壅滯或痰血隱滯肉伏之疾用大

黃四兩黑牽牛末二兩用酒共煮一日以酒乾頻添之

搗膏為丸如梧桐子大每早服三十丸白湯下○治久

患積聚用大黃二兩酒煮一日晒乾為末和白芍藥末

二兩煉蜜丸菴豆大每早晚各服百丸白湯下○治跌

撲傷損瘀血或從高墜下或木石壓傷及一切傷損瘀

血凝滯痛不可忍用大黃酒蒸一兩杏仁去皮三七粒

二味俱研細酒一大盞煎六分五更時服至曉取下瘀

血即愈○治杖打腫痛或作潮熱者用大黃末薑汁調

敷一夜黑者紫二夜紫者白也○治實熱濕痰留飲為

病以錦紋大黃酒蒸八兩入前胡八兩橘紅四兩外身

以青礞石二兩。同焰硝二兩。入砂罐固濟煨紅。研末二兩。右各取末。以水發為丸。梧子大。每常服一二十九。小病五六十。九。緩病七八十九。急病一百二十九。溫水吞下。即臥勿動。候藥逐上。焦痰滯。次日先下糞。料次下痰涎。未下再服。惟妊娠水泄忌之。○治宿食停滯。腹中脹滿。用大黃八兩。酒浸九日。蒸一次。晒一次。計蒸晒共九次。如乾燥。添酒蒸晒九次。畢為末。紅麴打糊。丸如棗豆大。每服一錢。空心白湯送下。○治傷寒熱病。邪結中焦。用大黃枳實厚朴為小承氣湯。○治傷寒病發于陰。而反下之。心下滿而不痛。按之濡。此為痞也。以大黃黃連瀉心湯。主之用大黃二兩。黃連一兩。水二升。煎半升。服

○治腸胃實熱閉結不通用大黃八兩酒煮三時晒乾

為末配杏仁霜薤仁霜各一兩紅麴打糊丸如黍米大

每早服六分白湯下○治婦人經脉阻滯不通腹中常

痛用大黃四兩酒煮三時晒乾為末配玄胡索桃仁三

稜蓬莪朮俱酒炒各五錢為末共為丸每早服一錢酒

下○治痢下赤白腹中脹滿閉澀不通快用大黃二兩

酒煮配枳殼檳榔當歸甘草滑石白芍藥各五錢分作

四劑水三大碗煎七分空心徐徐服或作丸每早服二

錢是迎奪之法也然不可過劑過劑恐傷胃氣○治吐

血衄血由于胃實火升者用大黃黃芩黃連各一兩水

五升煎取一升熱服取微利為度○治腰痛而重坐臥

痛愈甚行則痛止此內有瘀血也。用大黃二兩酒煮桃

仁三兩去皮紅花五錢分作五劑每劑用水二碗煎半

碗食前服。○治脚氣紅腫痛重難履方同腰痛。○治膏

梁厚味酒食焯炙積熱日深發為癰腫用大黃研末

醋調塗之燥即易不過數易即退。○治跌撲損傷瘀血

內閉用大黃桃仁紅花各五錢酒水各半煎服。○治陽

明胃火痰涎壅盛及喉閉乳蛾或腮頰腫痛或齒牙攻

痛用大黃三錢鹽水製礪砂二錢山豆根川貝母各五

錢或煎湯服或作散服。○治暴赤時眼腫痛大便閉結

者用大黃三錢酒製防風柴胡乾葛甘菊花各一錢葛

荆子荆芥各二錢水煎服。○治小兒無辜疔癰面乾黃

毛髮聳或癩癧或乍痢乍止用大黃四兩搗爲細末以
米醋一升和置瓦器中隔湯蒸一晝夜加廣木香末三
兩輟成丸如梧子大三歲兒一服十九日再服以下青
白膿爲度如不下或下以稍稍加丸若下多又須減之
病重者十餘服除根大人亦可服此藥惟下宿膿不令
兒利也○治赤白濁淋痛澁不通用大黃爲末每用六
分用雞子一箇破頂入藥攪勻蒸熟空心食之不過三
服愈○治婦人陰戶腫痛用大黃五錢酒煮乾加水二
碗煎半碗服○治風熱牙痛或有齒或齦根出血或漸
至崩落或口中作臭用大黃酒浸晒乾炒極焦爲細
末每早晚擦牙以熱湯泔漱大有奇效○治湯火傷灼

用大黃爲末。蜜調塗之。不惟止痛。又且免潰。○治大風癩瘡。用大黃炒。一兩。皂角刺焙。二兩。共爲細末。每服三錢。空心白湯下。取出惡毒物。如魚腦狀。或如亂髮之蟲。未下再服。服後再服雄黃。烏蛇散。除根也。取大烏稍蛇一條。去皮腸。露天砂鍋內。水煮熟。去骨淨。搗如泥。和入飛細雄黃末。三兩。爲丸。梧桐子大。每早午晚各食前服一錢五分。人參湯下。○治跌撲打傷。吐

三錢乳

不發藥。樹皮。陳皮。甘草。當

蒲黃各二錢。老酒清水各二碗煎

商陸味辛苦。氣寒。性平。有毒。然也。降也。陰也。

別錄曰商陸生咸陽山。今四方皆有。根如人形者有。神昏生苗高三四尺。莖青。葉赤。莖葉交錯。葉如相背。葉如牛舌而長。夏秋白花。作莖者赤。根赤。白花根白。白者入藥。根如葉。腹有似人形者。有葉可以作鬼。神。爾雅謂之逐。葛周易謂之竟。陸修置取白花之根。銅刀刮去皮。切薄片。和黑豆水浸。一晝夜。曬乾。用。

○商陸疎利藏府。行夾水氣之藥也。故前人主治水腫水

疽十種水病。喉閉不通。小便脹急。赤者。敷癰疽疔毒。按

根山頭。此藥寒而沉降。疎泄峻利。急如奔裂。與大戟甘

遂。葢異種同功。如胃虛陽弱人。服之立斃。非氣結水壅

急脹不通者。不可輕用。

陳廷采先生曰。商陸讚云。其味酸辛。其形類人。行水消

奏其効如神。斯言盡之矣。

李士材先生曰：商陸行水，有排山倒海之勢。胃弱者痛，禁赤者搗爛敷。毒拔疔入麝香少許貼臍，亦能利便消腫。腫證因脾虛者多。若誤服食，一時雖効，未幾再作，決不可收。慎之慎之。

○集方治水氣腫滿喘不能臥，用商陸白根去皮切如豆大二兩，和自米二兩，水二升，煮一升，成粥，取湯每日空腹服之，取微利數次，半日後方可吃薄粥，忌鹽味甜味。百日一方。治水脹，用白商陸根一觔，羊肉八兩，水一斗，煮取三升，去滓飲之。○治腹滿脹急不得臥，喘息上攻，心胸兩旁脇肋脹痛，或蠱塊涌起，用商陸根搗爛炒。

以麩盛更互熨之立効。○治喉卒攻痛用商陸根搗爛炒熟布裹熨之冷卽易立愈。○治小兒將痘欲出不得出發熱腹脹痛努氣不安用商陸根一兩和葱白五莖搗敷臍上卽止痛出可免無虞。

蘇氏曰。治人心昏塞多忘多臥取商陸花陰乾百日搗末每日暮白湯服一錢乃臥勿思念所欲事卽于臥中醒悟也。

穀類味辛氣平有毒

李氏曰：穀類者，謂其熟矣。謂穀曰，假穀。山春謂州郡山
谷中及在野行州亦有之。莖葉雖似而陸及火其莖葉之
上有白毛，根天色黃，肉色白，形似防葵，置水中，即有
五穀者，謂其有也。今人多以草胡茹為之，不可不辨。俗
謂亦飛鳥為穀。

一、毒性：破積聚，消水穀，殺蟲氣，淨疥癬之藥也。

故謂之士穀，龍鳥走獸，并逐木穀，積聚及癰疽寒熱蠱

毒，與水穀之氣，無以轉輸皮毛，致生惡瘡。鼠瘻疥癩者，

去其遠而病之無餘留矣。雖非良藥，善治酷疾。如脾元

不足，真氣日乏者，不可妄施。

集方：治腹中冷痛，水穀陰結，心下停痰，兩脇痞滿，按之

臨轉道，害飲食用，狼毒施覆花各一兩，附子五錢，切片。

俱用童便浸三日。焙乾為極細末。蜜丸。梧子大。每服五

丸。食前後白湯送下。○治九種心^方疼。及久年積冷。流注

心胸。并落馬墮車。瘀血中惡等證。用狼毒。附子。俱童便

浸一宿。晒乾。吳茱萸湯泡乾。蘇人參各一兩。巴豆五錢

去油。共為末。紅麴打糊為丸。梧子大。每遇此患。用三

九。白湯吞下。○治陰^方疝。疝九縮入腹。急痛欲死。用狼毒。附

子。各五錢。俱童便浸炒。研爛成丸。如梧子大。每服十九

早晚白湯下。○治腹中一切蟲^方疝。用狼毒微炒。研末。空

心服一錢。沙糖湯下。半日即下蟲也。○治乾^方濕。蟲疥。用

狼毒一兩。微炒。研細末。猪油調。過身擦之。臥時勿以被

蒙頭。恐藥氣傷目也。○治久年乾^方疥。乾癩。及一切癩瘡。

用狼毒微炒研細末輕粉減半和勻乾疥癬瘡搗破
搽之濕者乾糝數次効。○治癩風癩瘡用狼毒帝傾浸
炒研末每早晚各服五分溫酒下。

狼牙味苦辛氣寒有毒

別錄曰狼牙生淮南山谷及宛甸今江東沛東州郡皆有
苗若蛇形而厚深綠色根黑若狼獸之牙又范子云
出建康及三輔色白者善葉青根黃赤六月七月作花八
月結實黑色十一月采根日乾如中濕腐爛生衣者並
人殺

○狼牙殺蟲去癩消一切疥癬之藥也此藥竄烈有毒凡

病濕熱生蟲如疥癬如血痔如小兒頭癬婦人陰蝨等
癢諸疾煎湯淋洗立時見効凡服食湯散中不多用也

○集方治寸白諸蟲用狼牙一兩微炒搗末水發為丸如

菴豆大隔宿不食次早以白湯下五錢蟲下即墜

痔瘡痛癢濕爛不收用狼牙一兩煎湯洗○治瘡疥極

癢用狼牙根葉俱可搗爛炒熱擦之○治女人陰癢用

狼牙煎湯乘熱洗○治婦人陰蝕瘡爛用狼牙煎湯筋

頭纏綿子攪洗陰中即愈○治小兒陰囊濕破成瘡或

莖頭疔爛用狼牙煎湯洗○治疥癬蝨傷用狼牙根葉

俱可搗爛敷上立瘥○治射工中人瘡用狼牙各取

根夏取葉搗汁四五合飲之

狼毒狼牙二物原非一種偶為誤及迥弁及之

山慈姑味辛氣寒有小毒

藏器陳氏曰山慈姑生山中濕地惟處州卷耳縣所產者良冬月生苗如秋葉而稍小二月中抽一莖高尺許莖端作花有白黃紅色三種瓣上俱有黑點開雜衆花橫簇成朵如絲絨紐結狀甚可愛也三月結實子有三棱四月中苗枯即掘取其根形似水慈姑而小又似人蒜而有毛理則尚獨難覓矣心一種葉如車前草莖葉花實則一也西陽雜俎云花與葉不相見又謂之無義草今人多以余燈花老鴉蒜根爲偽凡之但山慈姑有茸毛固發老鴉蒜根無毛而光爲異也修治平時晒乾去毛散用

○山慈姑消癰腫解諸毒之藥也化蟲毒解蟲傷療犬咳

拔蛇毒散癰疽無名疔腫出隱疹有毒惡瘡又醋磨敷面善劓面皮除奸黠化疣贅但其味辛氣寒專散熱消結快利而無鈍滯者也除此數證之外並無別用不可輕施

盧子由先生曰山慈姑之性嚴厲威劣而命名慈姑者何然在大蛇蠱惡毒疔腫生死旦夕此以猛毒復莽毒物乃復化毒排兇道人命于危急之頃若肝臟疔瘡面目可憎厥形亦無生情矣剗之滅之全面目終身之大功蓋兩端非慈閔姑恤曷能如是乎其命名者以此

○集方治^初岸面^瘡用山慈姑根研爛夜塗旦洗數次卽淨○治癰疽疔腫一切惡瘡及黃疽疾山慈姑蒼耳草等分搗爛和好酒一鍾漚汁溫服或乾用爲末每酒調服三錢○治風疾癩疾用山慈姑二箇研如泥以茶調下卽臥良久得吐出雞子大痰一塊永不發如不出以^茶之卽吐痰塊也○入紫金錠磨敷并服奔神效

凡一切飲食藥毒蟲毒瘴氣河豚土菌白死牛馬等毒
並用凉水磨服一錠或吐或利卽愈癰疽發背疔腫一
切惡瘡風疹赤遊痔瘡並用凉水磨塗日數次立消陰
陽二毒傷寒狂亂瘟疫喉痹喉風並用冷水入薄荷汁
數匙化下。心氣痛并諸氣用生薑湯化下。泄瀉痢下。乾
霍亂絞腸沙用薄荷湯冷化下。中風中氣口噤眼歪五
癩五癩鬼邪鬼胎筋攣骨痛並溫酒化下。自溢溺水。魔
迷死。心頭溫者薑湯磨灌下。傳尸癆瘵凉水化下。取下
惡物盡積爲妙。久近瘧疾將發時桃枝湯化下。女人經
閉。紅花酒化下。小兒驚風五疳五癩薄荷湯化下。頭風
頭痛酒浸研爛貼兩太陽上。諸腹脹脹麥芽湯化下。風

齒牙痛酒磨塗之。毒蛇惡犬一切蟲傷。並用涼水磨塗。

仍服之。

以上生治諸毒。此指紫金。從而言非為山慈姑言也。

蚤休味苦氣寒無毒入足厥陰肝經

一名蚤休一名金線重樓

一名草河車

別錄曰蚤休生山陽川谷及宛句今河中河陽華陽文州及江淮間亦有之生深山陰濕地李氏曰雞地之虎得此治之即止故名又名重臺因其葉狀也名金線重樓因其花狀也名草河車因其功用也生無旁枝一莖挺生獨上莖當葉心似王孫鬼白芍藥莖肉華葉凡一莖三兩獨于屋山產者至五七層每層七葉葉色碧綠夏月莖頭作花一花七瓣上有金絲下垂莖長三四尺秋結紅子根如鬼白及紫參蒼朮首蒲等狀外紫內白理細質脆有梳櫛二種修治洗淨切焙用以手拈之葉一枝花深山是我字極痛加潤此以手拈之

○蚤休涼血去風解癰毒之藥也前古主小兒熱氣在腹

發為驚癇搖頭弄舌等證本肝經藥涼而沉靜故療熱

極動風之疾以醋摩敷癰腫諸此毒蟲傷良驗但氣味

苦寒雖云涼血不過為癰疽瘡疹血熱致疾者宜用中

病即止。又不可多服。久服如熱傷營陰。吐衄血證忌用之。

○集方治小兒胎風手足搐搦用蚤休每生微炒為末每服半

錢薄荷湯下。○治驚風發搐用蚤休一錢天花粉三錢

俱炒黃研勻每服三分薄荷湯下。因熱極生風宜用此

方。如因此者瀉者發熱久病者元氣虛耗發驚搐不宜

用。○治中鼠莽毒用蚤休磨水服即愈。

八戟味苦辛。氣寒。有毒。陰中微陽之藥也。

李頌謂此生山。大戟出常山。今近道亦有。多生平澤。二三月發。葉紅色。新長者青。莖中空。折之有白漿。葉狹長似柳。梢頭葉極細而小。三四月開黃紫色花。如杏。及蕪荑根如苦參而細。出淮甸者。莖似百合而葉黃。江南者葉似芍藥而苗短。出杭州者色紫而柔。為上品。江南又一種土大戟。次之。北方一種綿大戟。皮粉如粉。而色白。氣味酸利。能傷人。俱為下品。病人服之。吐血損真。凡使勿用。附生者。誤服令人氣洩。不禁。仰用薺擊湯解之。修治以米泔水煮去骨。晒乾用。

○大戟除蠱毒。行水脹之藥也。若能直泄。辛能橫散。故逐

諸有餘之水濕。滿熱及留飲。伏飲在中下二焦。為蠱毒

為脹滿。為大小便不通。用之立時奏效。觀夫氏方。兼主

天行黃病。溫瘧寒熱。頸腋癰腫。無非濕熱。伏飲為患。咸

宜服之。但氣味苦陰而寒。性善下泄。未免有損真氣。如

患水腫諸證。不由于受濕停水。而由于脾虛者。若不補脾。而復用疎泄追逐之藥。是重虛其虛也。寧無天枉之咎。果元氣壯實之人。留伏伏飲停滯中焦。乃可一暫施耳。

李猶湖先生曰。痰涎之爲物。隨氣升降。氣逆痰滯。則爲病矣。滯于心。則迷亂而成癩痢。或妄言妄見。滯于肺。則喘逆而成欬唾稠粘。胸膈背冷。滯于肝。則留伏蓄聚而成脇痛乾嘔寒熱往來。滯于脾。則腫滿脹急。食飲不入。滯于腎。則腰腹重滯。二便不通。入于經絡。則麻痺痠痛。入于筋骨。則頸項胸背腰脇手足勝臂等處牽引隱痛。而不知所在。似乎癱瘓。不可誤作風氣風毒。及瘡疽施。

治故陳氏三因方並以控涎丹主之。殊有奇功。此治痰之本。痰之本水也。濕也得火與氣逆則凝滯而為痰。為飲為寗。為涕為癰。為積。故用大戟能泄藏府之水。濕甘遂能行經隧之水。濕白芥子能散皮裏膜外之痰涎。飲穢俱微炒。各一兩。為末。薑汁水發為丸。如菉豆大。每服十五丸。至三十九。以津唾嚥下。若取利。服二百丸。白湯下。惟善用者能收奇功也。

○集方治水氣腫脹如鼓。或遍身浮腫。用紅棗五升。入鍋內。以水浸過。用大戟八兩。蒸之。瓦盆合定。煮熟。去大戟。取棗無時食之。以十日內。聚盡決愈。○又方。以大戟二兩。廣木香一兩。為末。五更時。白湯調服。二錢。取下碧水。

數天并日後漸以淡粥漸食之忌一切鹽味○又方用
大戟白牽牛各等分爲末每服二錢以猪腰子一對批
開糝藥末在內濕紙煨熟食之○治黃疸小水不通用
大戟半兩茵陳二兩水浸空心服○治癰瘡寒熱腹脹
用大戟五錢柴胡薑製半夏三錢廣皮一錢生薑三片
水二大碗煎七分服○治頸項腋間癰疽用大戟三兩
酒浸炒晒乾置鐵於白木各二兩共爲末生半夏薑米
炒爲末打糊丸如梧子大每服二錢食後白湯下

澤漆味苦辛氣微寒有小毒

李氏曰澤漆是猶兒眼時生江湖原澤平陸多有之
科分枝成叢葉柔如馬齒莧葉如芹葉其
而綠色頗似豬眼睛莖頭有五葉中分中抽小苞五
針枝開細花綠魚復有小葉承之將整如一后莖有
汁粘手其根白色有硬骨或以此為大戟者誤也
日澤漆列水功類大戟人非其葉有白汁意誤以為
戲猶然大戟苗有赤而泄人澤漆苗無毒而不傷人可
作藥食大戟根有骨去骨而軟澤漆根有骨去骨仍
不可用二者其不相存也

○澤漆散蠱毒行痰積利水腫之藥也主治功力與大戟
同較之大戟澤漆稍和緩而不甚傷元氣也然性亦喜
走泄如胃虛人亦宜少用

甘遂味苦微甘氣寒有毒瀉脾腎二藏

別錄曰甘遂生中山山谷中山在代郡惟太山江東者良一說比用來京口者更勝江東者次之蘇氏曰昔以澤漆莖短小而葉有汁根皮色赤肉色白作莖秀狀大如指頭重實者方堪入藥一種白皮者名草甘遂乃是甄休苗亦不同藥體全別修治亦取用甘草水浸三日晒乾再以短度煨熟用

○甘遂行水氣逐留飲散大腹熱毒之藥也前人主大腹

腫脹面目虛浮痞熱疝瘕宿痰留飲諸疾皆從水濕所

生。水去則濕除飲消是拔其本也。潔古謂味苦氣寒苦

能泄寒勝熱此藥直達水氣所結之處乃泄水之聖藥

然水結胸非此不除故仲景方大陷胸湯用之蓋去水

極神損真極速有毒不可輕用其性之惡可槩見已味

大苦而反名甘遂者如左氏所謂請愛而甘心降志焉

以甘遂遂其功用也。但性有陰毒，雖善下水除濕，實能耗損真氣，虧竭津液。元氣虛人，除傷寒水結胸，不得不外用。其餘水腫膨脹，類多脾陰不足，土虛不能制水，以致水氣泛溢。法應補脾實土，兼利小便，不此之圖，而反用甘遂下之，是重虛其虛也。水既暫去，復腫必死矣。必察病屬濕熱，有飲有水，而元氣尚壯之人，乃可一暫用耳。不然，禍必旋踵矣。戒之慎之。

○集方。治水腫腹脹，用甘遂炒三錢，黑牽牛頭末三錢，分作五服，空心白湯調下。○治腹外水氣作脹，用甘遂炒三錢，大麥麴炒五錢，水和作餅，炙熟食之，取利。○治身面紅腫，用甘遂二錢，生研為末，以獾猪腎一枚切為七

篩入末拌勻濕紙包灰火內煨令熟食之可一服至三
 四服當覺腹鳴小便利是其効也○治水熱喘脹大小
 便不通用甘遂大戟芫花各一兩微火炒黃為末每服
 五分白湯半盞空心調服不過十服愈○治妊娠腫滿
 氣急小腹胀大小便不利用甘遂二兩炒為細末煉蜜
 和丸梧子大每服五六十九白湯下得微利為度以上
 五方俱忌食鹽百日○治心下留飲胸滿而嘔冷酸水
 者用甘遂三錢生半夏一兩俱薑水浸一日砂仁五錢
 俱炒黃為末每服一錢五分白湯調下○治水疝腫痛
 用甘遂一兩炒茴香二兩炒共為末空心酒服一錢○
 治痞塊腫滿兼胸背疼痛發熱盜汗用甘遂炒黃為末

大人服三錢小兒服一錢俱用冷蜜湯調服忌油膩鹽

味○治脚氣腫痛難伸下部瘡癢乃腎藏風氣攻注者

用甘遂五錢炒木鼈子仁五箇共為末猪腰一箇去皮

膜切片用沒藥三錢摻在內濕紙包煨熟空心食之米

飲下服二次大便微行兩足便伸立効○治膈氣哽噎

用甘遂麵裹煨五錢南木香一錢共為末壯者服一錢

弱者服五分白湯調服○治體氣用甘遂末二錢同猪

肉煑食于野地中掘一坑令患人至彼處向上風站立

以甘草末唾調入臍內須臾腹中作響取利黑水亟從

上風奔回可絕不絕再作一服仍前用之○治小兒風

熱喘促悶亂不安名為馬脾風用甘遂二錢麵包火煨

辰砂一錢。輕粉五分。共爲末。每服三分。白湯少許。滴菜油一小點。抄藥在上。調勻灌之。

李時珍先生曰。腎主五液。化爲五瀉。痰則爲痰。飲溢則爲腫脹。牛夏南星能泄痰之標。不泄痰之本。大戟芫花甘遂能泄腎經五瀉之氣。治痰之本者也。但中病卽止。不可過服。甘遂反甘草。仲景治心下留飲。與甘草同用。取黃相反。而立功也。又劉河間謂水腫服藥未全消者。以甘遂末塗腹。透臍令滿。內服甘草湯。其腫便愈。又王珍謂脚氣上攻。結成腫核。用甘遂末。水調塗腫處。煎甘草汁服。其腫卽散。二物相反。而感應若此。

蒟蒻味辛甘氣寒有毒

李氏曰蒟蒻出蜀中今施州亦有江南閩中亦稱呼爲
鬼頭直樹陰下掘其積糞種之春時生苗至五月移之
長一二尺與南星苗相似但多斑點宿根亦自生苗經
二年者根大如碗及芋魁其外理白味亦麻五秋後採
根須淨擦洗去涎或片段以鹽灰汁煮十餘沸以水淘
洗煆水五六遍煆化卽成凍膏切片以米醋油醬拌食
如農書言救荒之策有粉葛蒟蒻橡栗之屬則此物亦
有益下民者也又搗爛敷腫腫風毒有劫古方治癩瘰
以此物切碎洗去涎水灰汁煮過再換水
洗淨沸水熬化成膏日食則瘰癧自愈

續隨子。味辛。氣溫。有毒。又名千金子。

黃氏口。續隨子。多生蜀郡。今處處有之。江南尤多。入藥以兩產者為驗。人家園圃。種此可觀。但秋種冬生。春秀夏實。故又名拒冬子也。苗如大戟初生。一莖葉在莖端。葉復生莖。莖復生葉。轉展疊加。宛如十字。作花亦類大戟。但從葉中抽幹。以結實耳。修治。取子鋪竹匾內。用薄砧塊如手掌大。輕輕搗之。則殼自散。搗去淨殼。取白仁。綿紙包裹。壓去油田。

○續隨子。通月閉。化癥瘕。消腫脹之藥也。味辛烈。而性有

毒。實攻擊猛摯之品。長于攻利腹內一切惡滯毒物。故宿血能通。頑痰能下。蠱毒能消。癥瘕能化。追利二便。消釋蛇咬。益此藥能以毒攻毒也。雖然此藥長于搏擊。攻利腹內一切惡滯毒物。如果病至膏肓。實不得已也。或者諸病則各有成病之由。當求其本而治。不致妄用可

也若脾虛便滑之人服必殆。

李蘋湖先生曰續隨與大戟澤漆甘遂莖葉相似主療亦不相遠其功皆長于利水消脹惟在用之得法應病合宜可耳亦皆要藥也。

○集方治月閉不通瘀血血結用續隨子十粒去殼去油

空心酒調服皆下惡物。○治癥瘕痞凝積用續隨子

三十粒去殼去油淨膩粉二錢共研勻粳米飯丸如芡

實大每服一九打破以大棗一枚燒熟去皮核空心同

嚼冷茶送下。半日後取下積聚惡物為効。○治陽水腫

脹用續隨子二兩炒去殼研去油大黃一兩酒煮晒乾

共為末水發丸如棗豆大每白湯下五十九去陳莖○

治蛇咬腫悶欲死用續隨子二十一粒。草甘遂二錢研細末。每服一錢二分。酒調服。再用少許以津唾和塗咬處立効。○治疥癩癬癩以續隨子研細和黃丹數分搽患上。○治小便不通臍腹脹痛不可忍。諸藥不効者用續隨子去殼一兩。黃丹五錢。同煉蜜少許。搗作團用甌盛埋陰處。臘月至春末取出。研成丸。如梧子大。每服二三十九丸。水通湯吞下。或化開服。病急者亦可隨合。○治黑子疣贅用續隨子去殼研爛。少許塗之自落。

蓖麻子。味辛甘。氣溫。有毒。

李蘋湖先生曰。蓖亦作蠅。蠅牛虱也。其子有麻點。故名。蓖麻今在處有之。北地尤多。夏月生苗。一莖直上。有赤有白。高丈餘。莖節如甘蔗。中空如赤箭。葉似律草。及楓葉。葉肥厚而大。一葉五尖。夏秋之間。梳中抽穗。開細黃花。纒纒。每穗結子數十顆。枯時。開狀類巴豆。又類牛蟻。青黃斑。稠間雜。可觀。殼中有仁。蠟白如續隨子。仁中之油。可調印色。修治。以鹽湯煮半日。去殼。取中仁。研細。去油。用膏氏曰。凡便。勿用黑天赤利子。顆外皮無刺。取頭尖子。無斑點。膜服有大毒。○取蓖麻油法。每用蓖麻去殼。淨仁。五升。搗極細。以水一斗。煮之。有浮沫。極起。沫盡。乃止。遂用文火。煮熬其沫。水去。澄清。上無氣。升。油即成矣。傾入磁器中。冷定。則凝結如脂。經久不變。韓氏曰。凡服蓖麻者。一生不可食炒豆。犯之必張死也。

○蓖麻子。逐頑痰。利水脹之藥也。其性善于收吸。能開通

關竅。活利經絡。拔病氣出外。故逐痰利水。并追膿取毒。

通鼻塞。解喉痺。下胞衣。出肉刺。行小便。能出諸有形之

滯物。又收子腸挺出。正目眼睛斜。定偏風頭痛。開痰閉。失音口噤等疾。蓋從外治得功者居多。內服僅一二證而已也。但體質多油。而又有毒。如脾胃薄弱。大腸不固之人。慎勿輕用。

王紹隆先生曰。蓖麻力長收吸。入者能出。出者能入。如出肉刺下胞衣。收子腸。提脫肛。拔病氣。奪有形質之滯物。多從外治。迅速敏捷。如桴應鼓。

○集方治頑痰胸喘咳嗽。用蓖麻子去殼炒熟食。日食十顆。須多服見效。○治水氣脹滿。川蓖麻子仁十顆。研爛。白湯調服。日中當下青黃水也。○治一切腫毒。痛不可忍。用蓖麻子仁研爛敷上。卽止。如有膿卽出也。○治鼻

塞不通。用蓖麻子仁二三粒。大棗一枚。去皮核搗勻。綿
 裹塞之。一日一易。一月即聞香臭也。○治喉痹急塞緊
 脹不通。用蓖麻子仁。研油染紙作筒。燒烟重吸。即通。○
 治胞衣不下。用蓖麻子仁七粒。研膏塗脚心。若兒胎及
 胞衣下。即速洗去。不爾。則子腸出。即以此膏塗頂。則腸
 自入也。○又催生下胎。不拘生胎死胎。用蓖麻二箇。巴
 豆一顆。俱去殼。麝香一分。研貼臍中。并足心。○治鍼刺
 入肉。用蓖麻子仁。去殼。一兩。先以帛觀傷處。敷之。頻看。
 若見刺出。即拔去。恐藥緊。努出好肉。或加白梅同研。尤
 妙。○治食中悞觸竹木骨。用蓖麻子仁一兩。凝水石
 二兩。研勻。每以一捻置舌根。噙自然安。○治盤腸生

本草卷之三
 蓖麻子
 三

產并瀉不收用蓖麻子仁三粒研爛塗頭即收。治小
便不通用蓖麻子仁三粒研細入紙然內王氏插入莖內即
通或取仁五粒研爛自湯調服亦可。治眼王氏眼喎斜用
蓖麻子仁三十粒搗膏斜左貼右斜右貼左即正有一
方用仁七七粒研作膏左喎安在右手心右喎安在左
手心再以銅碗或薄磁碗盛熱湯坐蓖麻膏上冷即換
湯五六次即正也。治頭風偏痛不可忍用蓖麻子仁
乳香各等分搗膏隨痛左右患處貼大陽穴解髮出氣
極效。又方用蓖麻子五錢羶肉十五枚搗塗紙上卷筒
插入鼻中下清涕即止。治八種頭風用蓖麻子巴豆
各四十九粒去殼先用雀腦川芎一大塊搗成極細末

糊丸。彈子大。風乾。濕是病。先將川芎丸。苦茶調成膏。上
塗磁盞內。後將炭火燒。蓖麻巴豆肉。烟起。隨用藥盞蓋
之。待烟盡。以白湯入盞內。和調。川芎藥服之。再以綿被
裹頭臥。汗出。避風。○治中風痰閉失音。用蓖麻子仁一
兩。去油。膽星一兩。為末。薑汁拌牙皂末三錢。共搗入蓖
麻子內。或作丸。或作散。臨是病。白湯調服二錢。○治脚
氣作痛。用蓖麻子十七粒。去殼。研爛。同蘇合丸。貼足心。
痛即止。○治癰風鼻塌。手指攣曲。骨節間痛。不可忍。漸
斲落。用蓖麻子仁一兩。川黃連八錢。剉碎。以小瓶子入
水一升。同浸。春夏二日。秋冬五日。後取蓖麻子一枚。劈
破。仍以藥水吞之。漸加至四五枚。微利不妨。瓶中水盡。

更添兩月後吃大蒜猪肉試之。如不發是其效也。若發動再服。直候不發乃止。○治療癩惡瘡及軟癩用白膠香一兩。瓦器內溶化。去滓。以蓖麻仁六十箇。研膏。溶膠投之。攪勻。入油半匙。點水中試軟硬。添減膠油得所。以緋帛量瘡癩貼。一膏可治四五瘡也。○治肺風面瘡。起白屑。或微有赤瘡。用蓖麻子仁五十粒。白果膠各十粒。瓦松五錢。肥皂一箇。搗爲丸。洗面用之良。○治惡犬咬用蓖麻子仁五十粒。研膏。先以鹽水洗咬痛處。乃貼此膏。

○蓖麻葉氣味有毒。治風腫脚氣。不能動履。搗蒸熱裹之。日二三易即消。

有一種名博落廻。生江南山谷。莖葉竟似蓖麻。莖中空。吹之有聲。折之有黃汁。喫入口立死。不可不知。

烟草味苦辛。氣熱有毒。通行手足陰陽。二十三經。

沈氏曰。烟草生江南。折開諸處。今西北亦種植矣。初春下子。種時喜肥。其葉深青。大如手掌。夏初作花。形如筍。頭四瓣。合抱。微有辛烈氣。稱合色。姿甚嬌嫩。可愛。其本莖長五六尺。秋中來收。晒乾。切細。如絲。縷成穗。裝入筒。以火然吸之。烟氣入口。鼻通達百骸。萬竅。聞中石馬鎮產者最佳。

烟草通利九竅之藥也。門吉士曰。此藥氣甚辛烈。得火然取烟氣吸入喉中。大能禦霜露風雨之寒。辟山蠱鬼邪之氣。小兒食此能殺疳積。婦人食此能消癥痞。北人日用為常。客至即然烟奉之。以申其敬。如氣滯食滯痰滯。飲滯一切寒凝不通之病。吸此即通。如陰虛吐血。肺燥勞瘵之人。勿胡川也。偶有食之。其氣閉悶昏潰如死。則非善物可知矣。所以陰虛不足之人不宜也。

常山味苦辛。氣寒。有毒。

別錄曰常山出益州川谷及冥中今宜都建平海州注
西湖南淮浙並有之蘇氏曰生山谷間莖圓有節高三
四尺葉似茗兩兩相對二月開白花青萼五月結實青
圓三子為房根似刺根色黃而皴苗如蜀漆也采時須
連根苗收用氣力始全性惡寒采即曬燥色青白堪用
否則黑爛蔓壞矣宜都建平者根形細實宛如雞骨取
用勝他地也海州者葉似楸葉八月開花色紅白子碧
色似山揀子而小又天台土常山苗葉並甘而涼人用
為飲非此常山類也修治如用蜀漆臨時去根水洗淨
漉乾再用甘草水拌蒸晒乾取用如用常山臨時去苗
水洗淨細剉酒浸一宿炒黃用不爾使人吐也

○常山逐痰涎散溫瘧之藥也蓋寒熱溫瘧必有黃涎聚

于胸中為寒為熱為脹為嘔古人謂無痰不成瘧也古

方書又謂治傷寒寒熱痰飲寒熱蠱毒瘴氣寒熱傷暑

食魚麩瓜菜積滯寒熱常山力能驅之但此藥雖能驅

瘧癘逐積飲其性暴悍終損胃氣故瘧疾非由于瘴氣
及老痰積飲所致者勿用如風寒暑濕之邪飲食之積
乘虛客于五藏六府十二經癘亦因之而發務宜疎散
四氣次以養胃健脾消痰乃治癘之正法稍久則當分
氣血施補助無不愈又安所事常山者耶

方龍潭先生曰常山蜀漆有劫痰截癘之功須在表邪
發散之後或癘發七次之後用之無害若用之早必致
閉邪成膨脹者恒有之

○集方治胸中痰飲用常山酒浸炒甘草炙各五錢水二
升煮取半升去滓入蜜十茶匙溫服取吐不吐更服○
截癘神方用常山酒煮晒乾草果研各二錢知母貝母

各一錢五分。水二碗，煎半碗，五更末發前熱服。○治寒

多熱少久瘧不止，用常山酒煮二錢，檳榔一錢五分，

香五分，烏梅一箇，酒三碗，浸一宿，五更飲之，一服即止。

永不雨發。○治數年不瘥久瘧，用常山酒煮一兩，晒乾

為末，神麩打糊，左梧桐子大，每服五十九，五更一服，天

明一服，發前一服，俱薑湯下，或吐或不吐，即止。

小胃丹治一切痰飲，最能化痰，化痰化積，治中風痰痺，極有神效。用常山五錢，煨

大戟水煮半日，晒乾炒，芫花醋拌濕炒，白芥子炒大黃

酒煮炒，白朮半夏枳實附星蒼朮桃仁去皮杏仁去皮

七味俱用牙皂白礬水泡過晒乾炒，各一兩，陳皮炒二

兩，共為末，薑汁和竹瀝打蒸餅，作糊為丸，如菘豆大，每

服四五升。虛減半白湯下。

續補集方治一人飲食起居向無疾病。安逸自如。恬澹

亦無妄作內損諸事。因子貴。日事奉養。肥甘旨酒之樂。

忽一日醉後臥醒。目中見物一若兩。或為三四。如桌椅

物件。平正者視之反歪斜。歪斜者視之反平正。或補藥

瀉藥寒藥熱藥。諸投不効。一人教服滾痰丸。初次服二

二劑。覺瀉數行。稍可服至四五劑。後行多次。覺體慙難

支。目光愈恍。視物即山頭樹木。皆林林移動。一西醫李

光先曰。此胸胃有伏痰也。用常山五錢。人參蘆三錢。并

草一錢。生薑五片。水二碗。煎八分。食後頓飲。少頃吐痰

數碗。目光安定。視物無前狀矣。

藜蘆味苦辛氣寒有毒

李氏曰黑色曰藜其蘆有黑皮裹之故名別錄曰出太
山山谷高山者乃佳蘇氏曰今陝西遼州坊州解州亦
有之四月生苗高五六寸莖似葱白色青紫多毛外有
黑皮裹莖宛如櫻櫚故初生之葉亦若櫻櫚心經久漸族
與鬱金秦艽葉荷葉相等也六七月開花肉紅色立冬
卽凋根似龍膽及馬榔根長四五寸一本二三寸科若
百餘科者乃水藜蘆也水藜蘆生近水溪澗石旁莖葉
都相同獨不入藥用修治去莖用米泔水煮一滾晒乾
用

○藜蘆吐風痰出蠱毒之藥也味苦善涌能使邪氣痰積

凡胸膈部分之病悉皆吐出有宣壅導滯之功故古人

治痰涎蠱毒及暗風五癩之證一吐卽平日華子云此

藥但苦劣有毒凡胸中有痰飲或中蠱毒惡氣者止可

借其上涌宣吐之力復効一時設病非關是證切勿沾

唇徒令火悶亂吐逆不止虧損津液耗滅元氣也慎之
慎之如外用敷捺又能療白禿頭瘡及一切瘡疥頑癬
殺蟲去穢世所常需

沈藍田先生曰古方去痰積每用吐藥然吐藥不一如
常山吐瘧痰瓜蒂吐熱痰烏附尖吐濕痰萊服子吐氣
痰若藜蘆則吐風痰者也又按張氏方云一婦病風瀉
每年一作五七年後歲三四作至四十歲一月三四作
漸至三三日一作甚至一日二三作作則昏癡迷忘人
事一醫教取藜蘆一大握洗淨蒸熟飽食至五更忽覺
心中不安吐涎如膠連日不止約一斗餘汗出如洗甚
昏困三日後漸輕食亦加養病去竟無恙朝內和玉

妃劉氏年七十。病中風。不省人事。牙關緊閉。諸醫束手。
一醫見藥不能入。自午至子不甦。濃煎藜蘆湯。挾齒灌
之。少頃噫氣一聲。遂吐涎痰。而甦。漸調理。六君子加當
歸玉竹而安。

○集方治諸風痰飲。用藜蘆一錢。鬱金二分。共爲末。每用
三分。白湯一盞。和服探吐。○治中風不語。牙關緊急。喉
中如曳鋸。口中涎沫。取藜蘆二分。天南星一箇。去皮。于
臍上剗一窩。納入醋浸椶斗子肉二箇。四面火逼黃色。
研爲末。麩糊丸。梧子大。每服五丸。溫湯化下。○治蠱毒
脹悶喘急。用藜蘆末三分。黑豆炒爲末七分。白湯調服。
取吐。○治心癆暗風及五種癩疾。用藜蘆微炒爲末。每

用三分。生明礬末。五釐。白湯調灌。立甦。服二三次。漸不

發。如元氣虛者。宜頻服。人參湯調理。○治諸風頭痛。

用藜蘆五分。研末。麝香三釐。吹鼻。又方。用藜蘆三錢。

川黃連三分。麝香三釐。共研細末。綿裹塞鼻中。亦好。○

治瘴瘧不食。欲吐不吐。用藜蘆末五分。白湯調服。探吐。

○治黃疸腫疾。用藜蘆為末四分。白湯調服。取吐。○治

白禿頭瘡。用藜蘆末。猪脂調搽。○治疥癩蟲瘡。用藜蘆

末。香油調搽。○治鼻生瘰肉。用藜蘆三分。雄黃二分。共

為末。蜜和點之。每日三次。勿點兩畔。○治頭生蟻虱。用

藜蘆末。搽之。○治誤吞水蛭。及諸蟲物。用藜蘆炒為末。

白湯調服。一錢。必吐。

附子。味辛鹹。氣熱。有大毒。味薄。氣厚。陽中之陽。升少降多。浮中沉。無所不至。入手厥陰。心胞少陽三焦。兼入足少陰腎。太陰脾經。其性走而不守。

別錄曰。附子生犍為山谷及少室。近以蜀道綿州龍州者良。他處雖有力薄不堪用也。李氏曰。初種為烏頭。象烏之頭也。附烏頭而生者為附子。如子附母也。烏頭如芋魁。附子如非子。蓋一物也。然烏頭有兩種。出彰明者。即附子之母。今人謂之川烏頭是也。烏頭春末生子。故春末采之。附子冬末生子。已成。故冬末采之。其天雄烏象。側子皆是。生子多者。因象命名。若生子少。及獨頭者。即無此數物也。宋人楊天惠。著附子記。甚悉。其說云。綿州乃故廣漢地。領縣八。惟彰明出附子。彰明領鄉凡二十七。惟赤水。廉水。昌明。會昌。出附子。而赤水為多。每歲以上田熟。耕和以猪糞作壟。取種子。龍安。龍州。齊歸。木門。青槎。小坪。諸處。十一月播種。春月生苗。高二三尺。莖類野艾。而漚葉類地麻。而厚花則瓣紫。莖黃。苞長而圓。實類桑椹子。細而且黑。七月采。規謂之早水。拳縮而小。蓋未長成耳。九月采者佳。其品凡七。本同而末異也。初種之化者為烏頭。少有旁尖。身長而黑。附烏頭而旁生。如

相須。實不相連者曰附子。左右附而偶生者曰鬲子。獨
 生無附。長三四寸者曰天雄。附而尖者曰天錐。附而上
 出者曰側子。附而散生者曰漏藍子。皆脉絡連貫。如子
 附母。而附子以貴。故專附名也。凡種一而子六七以上
 則皆小。種一而子二三則稍大。種一而子特生則特大
 而附子之形。以蹲坐正節角少者為上。有節多鼠乳者
 次之。形不正而傷缺風皺者為下矣。又附子之色。花白
 者為上。鐵色者次之。青綠者為下。天雄烏頭天錐皆以
 豐實盈握者為勝。漏藍側子如園人乞役。甲卑不足數
 也。漏藍即雷氏所謂木鼈子。大氏所謂虎掌鬲子。即烏
 喙天錐。即天雄類。方書並無此名。功用當相同耳。然而
 易植難成。功疎質變。或種美而苗不茂。或苗秀而根不
 充。或已釀而腐。或已曝而壞。原屬氣化而生。又復化氣
 而消。若有神物陰為之者。故園人植此。嘗禱于神。目為
 藥灰者以此。○徐氏曰。凡製烏頭附子。天雄側子。烏喙
 等法。先于六月內。造大小麩。麩未采前半月。用大麥煮
 成粥。拌麩造醋。候熱去其糟。醋不必太酸。酸則以水解
 之。將烏頭附子等去根鬚。于麩內淹七日。日攪一遍。撈
 出。以疎篩攤之。令生白衣。再向慢風日中晒之。三月以
 透乾為度。若猛日。則皮皺而不附肉矣。如此收藏。方不
 壞爛。臨病應用。切作薄片。用道饅和黑豆浸三日。去宿
 童便。并豆。換新童便。入淨砂鍋內煮。以童便乾為度。日

中晒燥。或烘燥用。○外有兩種。一種草烏頭。一種白附子。不與此類同種。別一物也。故俗呼附子為黑附子。烏頭為川烏。頭以別之。

○附子。回陽氣散陰寒。逐冷痰。通關節之猛藥也。此藥稟

地中火土熱烈之氣。其性走而不守。于上中下部。氣血

表裏無所不到。為諸經引用之藥。故前人主風寒濕三

氣凝固不行。為躄瘓拘攣。為膝痛脚疼。為手臂冷麻。諸

證。因此藥氣暴力峻。稟雄壯之質。擅能衝開道路。流行

血氣。則前證自除矣。又傷寒直中三陰寒證。嘔吐冷涎。

湯藥不受。厥冷腹痛。自利不渴。屬太陰煩躁不寐。厥逆踈

臥。自汗心驚。臍腹痛而顫慄。面赤舌青。屬少陰環口塵黑。

唇青囊縮。四肢厥冷。嘔吐涎沫。噓出蛔蟲。屬厥陰六脉沉

細欲脫四肢厥逆不溫。或作呃聲。言語無倫等證。總屬
之。或霍亂吐瀉厥逆脉脫。或中風中氣痰涎壅閉。或胃
虛久病嘔噦番逆。或水腫膨脹。喘息不臥。或痰厥頭痛。
痰塞胸膈。或三陰痰瘧。久發不休。或堅癥積聚。血脉冷
凝。或金瘡受寒。血冷瘀滯。或脾泄久病。藏氣虛冷。或久
痢赤白。休息延綿。或脚氣腫滿。胃敗不食。或厥陰寒疝。
攻痛欲死。或嘔血血崩。虛脫如注。或老人陽弱。目睛昏
蒙。或冷敗潰瘍。膿血大泄。或久暴泄瀉。四肢厥冷。人事
昏迷。或痘瘡灰塌。寒顛自利。不食。或諸病真陽不足。虛
火上升。咽喉不利。飲食不入。服寒藥愈甚者。附子乃命
門主藥。能入其窟穴而和之。引火歸原。則浮游之火自

熄矣。凡屬陽虛陰極之候，肺腎無熱證者，服之有起死之殊功。若病陰虛內熱，或陽極似陰之證，誤用之，禍不旋踵。

繆仲淳先生曰：附子既稟地二之火氣以生，無非火熱爲性，氣味皆然，毒可知已。論其性質之所能，乃是退陰寒，益陽火，除冷濕之要藥，引補氣血藥入命門，壯元陽之上劑。若非陰寒、寒濕、陽虛、氣弱之病，而誤用于陰虛內熱、血液衰少、傷寒、溫病、熱病、陽厥等證，靡不立斃，謹列其害如左。醫師司命，宜詳翫而深鑒之，亦生人之大幸也。凡治傷寒，先辨陰陽二證，陰厥內外皆陰，若惡寒若無熱，若吐涎若不渴，若自汗，若厥冷，若舌胎白滑，或

黑潤其屬陰寒確矣。必用附子無疑。陽厥外寒內熱。或係傷寒瘟疫。其先必發熱頭疼。其後表熱已除。雖不發熱不頭疼。然必胸滿腹痛大便不行。小水必赤。心煩口渴。此當清解之。或下之之病也。至于嘔吐。有口渴思冷水者。此胃熱嘔吐。宜黃連竹茹湯。至于自利。日十數行。口乾舌燥而渴甚者。宜芩連四逆散。至于自汗。濇濇不止。口燥煩渴不寐。而屬陽明內熱者。宜參連白虎湯。至于吐蛔作呃。有三陽熱邪犯胃。熱極吐蛔。熱甚作呃。而煩渴者。宜黃連烏梅湯。黃連柿蒂湯。至于中熱中暑。霍亂吐瀉。上吐飲食。澀水若湧。下瀉熱糞。黃水如注。或熱汗橫流。腹痛欲死。而口燥作渴者。宜藿香正氣散。加滑

石。芩連。至于中風中氣卒然僵仆不語痰多神昏宜大劑參芪木香薑桂俟元氣虛脫者續鬱逆者通再量加附子。消息行之。不可驟用。又如腫滿膨脹因濕熱者。堅癥痞積因內熱者。金瘡暴傷血流不止者。痢疾雖久。淤積未清。大便澀閉者。肝熱木實。腳氣腫疼者。血熱妄行吐血上湧。陰虛內熱。崩血血淋者。時眼暴發。熱勝生風者。癰疽毒盛。腫赤未潰者。又若痘瘡乾焦黑陷。痘瘡火閉不出。痘瘡皮薄嫩紅。痘瘡因熱咬牙。痘瘡挾熱下利。痘瘡餘毒生癰。諸證咸忌熱烈之藥。附子大非宜用。外又有鼻衄齒衄尿血便血舌上出血耳鳴耳聾骨蒸盜汗失血發瘧血虛頭痛偏頭風痛怔忡驚悸惡熱喜冷。

好食水菓。畏火日光。畏聽人聲。畏聞木聲。火炎欲嘔。證類反胃。虛陽易興。精滑夢遺。赤白淋濁。小便餘瀝。或老人精絕陽痿。少年縱慾傷精。婦人血枯無子。血枯經閉。濕熱黃疸。濕熱脚氣。濕熱泄瀉。血虛便結。血虛腹痛。心脾鬱熱。口苦舌乾。夜夢紛紜。小兒急驚。熱疳枯瘦。傷食作瀉。凡內外男婦小兒。前後共七十餘證。均屬陰虛。及諸火熱。無關陽弱。亦非陰寒。法所均忌。臨證施治。宜謹審之。

花溪老人虞氏曰。附子專雄健之質。有斬關之能。引補

氣藥。人參黃耆行十二經。以追復散失之元陽。引補血藥。

當歸熟地入潛分。以培養不足之真陰。引發散藥。防風

淋黃 羌活 開腠理以驅逐在表之風寒引溫煖藥蒼朮白朮肉桂細辛

度直 獨活 達下焦以攻除在裏之冷濕

陳廷采先生曰烏頭附子烏喙天雄側子射罔木鼈子

七名實出一種但治各有不同今尊會編附其總論天

雄長而尖者其氣親上故曰非天雄不能補上焦陽虛

附子圓而矮者其氣親下故曰非附子不能補下焦陽

虛烏頭原生苗腦形如烏鳥之頭得母之氣守而不移

居乎甲者也側子散生旁側體無定在其氣散揚宜其

發四肢充皮毛為治風痺之妙用也烏喙兩岐相合形

如鳥嘴其氣鋒銳宜其通經絡利關節尋蹊達徑而直

抵病所也煎為射罔禽獸中之即死非氣之鋒銳捷利

者能如是乎。又有所謂木鼈子者。其形摧殘。其氣消索。譬如疲癯殘疾之人。百無一能。徒爲世累。且又令人喪目。宜其不入藥用也。

李時珍先生曰。烏附毒藥。病非虛寒。危殆不用。而補藥中。少加引導。其功甚捷。有病人纔服錢七。卽發燥不堪。受而昔人補劑。用爲常藥。豈古今運氣有不同耶。按荆府都昌王。體瘦多冷。無他病。日以附子煎湯。兼嚼硫黃。如此數歲不輟。又蘄州衛張百戶。平生服鹿茸附子藥。至八十餘。康健倍常。宋張杲醫說載。趙知府耽酒色。每日煎乾薑熟附湯。吞硫黃金液丹百粒。乃能健啖。否則倦弱不支。壽至九十。他人服一粒。卽爲害。若此數人。皆

其藏府稟賦之偏服之有益無害不可以常理槩論也
又瑣碎錄言滑臺風土極寒民啖附子如啖芋栗此則
地氣使然爾

○集方治陰毒傷寒面青四肢厥逆腹痛身冷及一切冷

氣用大附子一枚切片薑汁和酒煮以乾為度每用三

錢人參二錢水二大鍾煎一鍾和薑汁半盞溫服○

治少陰傷寒初得二三日脉微細但欲寐小便清白者

用附子一枚切薑酒煮乾麻黃去節甘草炙各一兩先

用水五升將麻黃煮去沫後納二味煮取三升分作三

服取微汗○治少陰傷寒脉沉細反發熱頭不痛用附

子一枚切片薑酒煮乾麻黃去節一兩北細辛二兩先

用水五升。將麻黃煮一滾後納五味。煮取四升。溫和服。
①治少陰傷寒。下利清穀。裏寒外熱。手足厥逆。脈微欲
絕。身反不惡寒。其人面赤色。或腹痛。或乾嘔。或咽痛。或
利止。脈不出者。用大附子一枚。製法同前。甘草炙二兩。
乾薑三兩。水五升。煮取二服。溫和服。其脈即出者愈。如
面赤。本方加葱白九莖。腹痛加炒白芍藥。嘔加生薑一
兩。咽痛加桔梗五錢。利止。脈不出。加人參二兩。○治陰
毒傷寒。少腹疼痛。腰痛。手足厥冷。或作呃逆。六脈沉細。
用附子一枚。製法如前。乾薑一兩。水三升。煎一升。加食
鹽三分。候冷服。○治痰厥。氣閉。昏不知人。或口眼喎斜。
等證。用川附子。廣木。香川。烏頭。各五錢。天南星。乾薑。各

一兩水一大升煎三合溫和服。○治胃冷有痰嘔吐用
川附子一枚半夏二兩俱切片俱薑酒煮乾每日用附
子一錢半夏二錢水二大鍾煎七分服。○治手足麻痺
或癱瘓痰痛腰膝痠痺或打撲傷損閃肭痛不可忍用
生川烏五靈脂各四兩威靈仙五兩俱酒浸洗烘乾爲
末酒糊丸梧子大每服十五丸淡鹽湯下此藥常服其
効如神。○治腰脚冷痺疼痛兼有風者用川烏頭三箇
去皮臍研爲末米醋調塗帛上貼患處其痛立止。○治
脚氣腫疼久不瘥者用生附子一箇去皮臍研爲末生
薑汁調如膏塗之藥乾再塗腫消爲度。○治十指疼痛
或麻木不用大附子切片童便和酒煮乾每用一錢

配當歸二錢五分。木香五分。桂枝七分。水二碗煎服。○
治手臂冷麻。或疼痛。用附子切片。童便酒煮一兩。於白
木。山藥。茯苓。各三兩。山茱萸肉。三兩。澤瀉。肉桂。牡丹皮。
各一兩五錢。懷熟地。四兩。酒煮搗膏為丸。梧子大。每早
晚各服三錢。白湯下。○治風寒濕痺。麻木不仁。或手足
不遂。用川烏頭為末。每以薏米煮粥一碗。入烏頭末四
錢。慢熬稀稠得所。下薑汁二匙。蜜三大匙。空腹啜之。左
傳云。風淫末疾。末疾謂四肢也。脾主四肢。風淫客肝。則
侵脾而四肢病也。此粥極驗。○治霍亂陰寒。吐瀉厥逆。
脉將脫者。用附子。人參。各五錢。白朮。一兩。甘草。二錢。水
煮冷服。○治中風中氣。汗出。鼻鼾。遺尿。眼合。痰聲如拽

鋸此五絕證用大劑附子人參各一兩甘草五錢於白
朮八錢用水八碗煎三碗溫和徐徐服屢有得生者○
治中風偏廢用大附子一箇切片薑酒煮羌活烏藥各
一兩當歸身二兩酒炒共爲末每服四錢薑湯調服○
治半身不遂用附子一兩切片薑酒煮乾當歸二兩炒
以無灰酒二壺浸七日隔日飲一合○治風病癱緩手
足躄曳口眼喎斜語言蹇澁步履不正用川烏頭五靈
脂各二兩人參五錢當歸一兩共爲末白湯爲丸如彈
子大每服一丸生薑湯化服服後飲酒一二杯一日二
服服十日便覺手活動也○治口眼喎斜用生川烏頭
青礬各等分爲末每用一字嚙入鼻內取涕吐涎立効

○治卒忤停尸口噤用附子末二分吹入喉中立瘥○

治產後中風身如角弓反張口噤不語用川烏頭一兩

切片黑豆半升烏雞糞一合三味同炒焦黑投入好酒

三升攪百餘轉以絹濾取酒微溫服一小盞取汗若口

不開決齒灌之以瘥為度○治諸風縱緩言語蹇澁偏

身麻痛皮膚搔痒及婦人血風頭痛目眩腸風藏毒下

血不止者或痛風攣搖頤頷不收者服六七次即瘥用

川烏頭一兩去皮臍薑酒童便製生荆芥穗二兩共為

末醋麵糊為丸梧子大溫酒或白湯每服二十九○治

久病嘔噦反胃虛而無熱者用製附子人參陳皮各二

錢水煎服○治水腫喘滿不拘大小男女山中下二焦

氣不升降。為寒痰痞膈。故水凝不行。發為腫喘。醫

束手。服此藥。則小便自通。喘滿自愈。用附子一箇。去

臍切片。薑酒童便浸煮。每服用三錢。水二碗。煎八分。隨

將此藥汁。磨沉香一錢。和入。冷飲。用附子。雖十餘枚。亦

無害。以瘥為度。小兒減半。宜忌油膩酒麵鹽味百日。○

治痰厥頭痛如破。厥氣上沖。痰閉胸膈。用製附子。製半

夏各二錢。甘草一錢。水煎服。○治三陰久瘧不愈。用大

附子。製法如前。用三錢。於白朮當歸身半夏薑製川牛

膝柴胡牡丹皮各一錢五分。水二大碗。煎八分。溫服。

十劑愈。或加入參一錢。亦可。腹脹者。加厚朴一錢五分。

○治久年堅癥積聚。用附子。製法如前。三錢。於白朮二

錢川黃連一錢枳實一錢錢五分。水煎服。或作丸。食前服。

三錢亦可。○治金瘡受風。血冷脹痛。用製附子。當歸各

二錢。紅花。桂枝各一錢。水煎服。○治脾虛久泄。或老人

虛人。中氣不足。藏寒洞泄。用製附子五錢。於白朮炒。肉

豆蔻。麩裏煨熟。補骨脂酒炒。各三錢。甘草。木香各八分。

水煎服。或作丸服亦可。久痢赤白。休息不止。此方亦治

○治脚氣腫木。因脾虛胃弱者。用製附子。白朮。肉桂各

三錢。木瓜五錢。木香一錢。水煎服。○治寒疝腹痛。透臍

手足厥。自汗出。脉弦緊。用製附子五錢。小茴香。肉桂。三

錢。木香一錢。乾薑二錢。甘草五分。水煎服。○治寒疝引

脇肋心腹皆痛。用川烏頭二兩。切片。以白蜜四兩。和水

二碗。煮令透。搗爛為丸。梧子大。每早晚各食前服。三上

丸永除。○治寒疝滑泄腹痛腸鳴。用製附子三錢。補骨

脂炒五錢。木香一錢。蒼朮。白朮各二錢。水煎服。○治寒

厥諸疝腹痛惡寒小腸氣膀胱氣。一切寒疝諸痛。掣急

難忍。汗出厥逆。用大附子一箇。製山梔一兩。炒黑焦。每

各服三錢。○治嘔血吐血。或血崩脫血。盈盆盈桶。面色

青慘。六脉欲脫。四肢厥冷。或自汗出。危極者。用製附子

五錢。人參一兩。薑炭八錢。水二大碗。煎八分。溫和服。○

治陽虛吐血。用生地黃一觔。搗汁。入酒少許。以製附子

一兩。入汁內。砂鍋內煮成膏。取附片烘乾。入淮山藥二

兩。研末。以膏和搗。丸梧子大。每空心。米飲下三四十九

一婦人患此屢發屢止得此全愈。○治中年之人陽氣

衰微睛光昏暗視物不明用大附子一箇切片童便薑

酒煮透大懷熟地五兩枸杞子四兩山茱萸肉淮山藥

茯苓各三兩牡丹皮澤瀉各一兩五錢肉桂二兩共爲

末煉蜜丸梧子大每早晚各食後服三錢白湯下。○治

癰疽發背膿血大泄元氣大虛漸至陽微惡寒嘔逆不

食用製附子黃耆白朮人參各五錢肉桂砂仁各三錢

甘草一錢水煎服。○治泄瀉不拘久暴頻泄過多陽氣

旋脫四肢厥冷人事昏迷者用製附子八錢人參一兩

蒼朮白朮炒肉桂木香肉豆蔻麩裏煨各二錢甘草炙

一錢水煎服。○治痘瘡冷陷全方灰塌寒戰咬牙泄瀉不食

用製附子三錢。人參。白朮。黃耆。肉桂各二錢。木香。白芍藥酒炒各一錢。水煎。加桑蟲一條。擠出肉汁。和服。○治一切諸病。服寒藥過多。漸至真陽不足。虛火上升。咽喉不利。飲食不入。或再服寒藥愈甚者。用製附子一兩。懷熟地四兩。山茱萸。茯苓。山藥各三兩。牡丹皮。澤瀉各一兩。肉桂二兩。煉蜜丸。每早晚各服三錢。鹽湯下。或將丸料分作十劑。水煎服亦可。

續集雜方。治年久頭痛。用川烏頭。天南星等分。共為末。葱汁調塗太陽穴。○治頭風斧劈難忍。用川烏頭末。燒烟熏碗。溫茶泡服之。○治一切頭痛。用大附子一枚。剉一孔。入全蠍五枚在內。以孔內餘附末。用鍾乳石三錢。

火煨為末。加白麵少許。和附末乳粉。水調作糊。包附煨

熟。共研末。取葱涎和九。梧子大。每用花椒二十粒。食鹽

三分。泡湯吞藥五十九。○治鼻淵腦泄。用生附子末。葱

涎和如糊。會湧泉穴。○治無故耳鳴。晝夜不止。用川烏

頭末。石菖蒲末。各等分。綿裹塞之。一日一換。○治耳卒

聾閉。用附子醋浸。削尖。插之。或更于附子上。灸二七壯。

○治耳聾。膿血不乾。用生附子為末。摻入耳中。○治喉

痺腫塞。用大附子切片。薑汁童便煮。晒乾。以蜜塗上。灸

之。令乾。病人口內含之。已成者即膿。未成者即消。○治

久患口瘡。用生附子為末。醋麵調貼。足心男左女右。日

再換之。○治寒厥。心胃疼。及小腸膀胱疝氣痛。不立。

用製附子五錢。鬱金。玄胡索。醋炒。廣木香。小茴香。黑牽牛頭末。各四錢。共爲末。每用一錢。醋湯調服。○治疔瘡腫痛。用附子爲末。醋和塗之。乾再換。○治癰疽腫毒。初起。用生附子末一兩。水三碗。慢火熬稠。塗上留頂。立消。○治癰疽肉突出。瘡口不斂。用生附子爲末。水調敷上。外以艾火灸數壯。令熱氣通內。卽消。○治手足凍裂。用附子爲末。白湯和麵少許。塗之。

○烏頭附子。天雄尖。李氏曰。方書用此吐風痰。止癲癩。取其辛烈雄壯之力。直達病所。無他義也。

○集方。治風厥癲癩。或大人中風痰厥昏迷。或小兒驚風痰涎上壅。牙關緊急。上視搖擗。並宜用烏頭尖。蠟梢。各

七箇。銅綠三錢。俱研極細。和勻。薑汁。麵糊丸。如黃米大。
 ○大人服二十九。小兒服七丸。或五丸。三丸。量兒大小加減。俱薄荷湯下。○治小兒臍風撮口。用生川烏尖三箇。全足蜈蚣半條。俱酒浸烘乾。麝香五釐。俱研末。以少許吹鼻得墮。再以薄荷湯灌下三分。

○天雄。味辛氣熱。有毒。乃種附子而生。變出其形。不生附側。經年獨長而大者。故曰天雄。其長而尖者。謂之天錐。象形也。其主治與附子同。惟治風寒濕痺。較之附子更烈耳。

盧不遠先生曰。合名與形。當屬陽中之陽。祇能助長。不能化育。命門之用藥也。

○側子。味辛。氣熱有毒。李氏曰。側子生于附子之側。以
側子。附子。皆是烏頭下旁出者。以小者為側子。大者為
附子。陶氏言附子邊角。削取為側子。甚謬。此物散生附
子旁。側體無定在。其氣熱劣。而輕揚。專于發散。四散充
達。皮毛為治風之藥。多入癰疽藥中。古方多不用。邇來
醫家療脚氣有驗。故錄之。

○集方。治脚氣氏方久不消。用側子一兩。切片。童便浸五日。去
宿便。再換新便。和黑豆一合同煮。俟豆熟。取側子片晒
乾。每劑用側子一錢。木瓜五錢。當歸川芎各一錢五分。
水煎服。

○漏藍子。味辛。氣熱有毒。李氏曰。此又側子之瑣細未成

○者古方不入湯丸散服食藥中。僅宜敷貼。外科消毒藥。
內。誤服。令人喪目。按大明會典載四川成都府歲貢天
雄二十對。附子。烏頭各五十對。漏藍子。二十觔。不知作
何用也。

○集方按類方云。一人兩足生瘡。臭潰難近。用漏藍子一
枚。生研為末。入膩粉少許。井水和津唾調之。敷上漸消。

草烏頭味辛氣熱有大毒

吳氏曰。形如鳥之頭。有兩岐相合。如鳥之嘴。故又名鳥
豸。又有三岐者。古書各兩頭尖。猶謂云鴛鴦菊。即其白
也。然附子天雄有無生兩岐者。亦謂之鳥頭。非此鳥頭
也。此係南北各路野生。故名草烏頭云。本草誤入川烏
頭條中。大謬。按後魏書言遼東塞外。秋收草烏頭。為毒
藥。射禽獸。又續漢五行志言西國生獨白草。煎汁。獵人
取此敷箭。射禽獸。十步即倒。中人亦死。故又有射罔之
名。李時珍曰。草烏頭。南北東西。山陵平澤。處處有之。根
苗花葉。與川烏頭大同小異。但此係野生。並無釀造。灌
養之法。其根外黑內白。嫩而枯燥。形如茨菰。大者長寸
小者豆粒。底圓頂尖。然毒則甚于川烏頭。置燥地。反濕
置濕地。反燥。飛鳥觸其毒。則墮走。獸遇其毒。則僵。此猛
烈有毒。無妄之藥也。修治。切作薄片。童便和醋煮。百滾
入鍋內。炒燥。黃方可入藥用。入風痺藥中。大料不過二
三錢。小料不過數分。倘不修製。誤用。令人心隔悶亂。言
語不出。如病怪狀。謹之。設有中此毒者。以甘草藍汁。浮
萍。薺。芫。冷水。皆可一服解之。

○草烏頭去風寒濕氣逐痰攻毒之藥也其性猛劣有毒

本草綱目 卷之四 草部 草烏頭

○其氣鋒銳且急能通經絡利關節尋蹊達徑而直抵病

所宜其火風寒濕痺之證或骨內冷痛及積邪入骨年

久痛發并一切陰疽毒瘍諸疾遇冷毒即消熱毒即潰

自非頑風急疾不可輕投入也觀其煎汁敷箭鏃能殺

禽獸聞氣即墮仆非性之鋒銳捷利酷劣有毒能如是

乎即有風濕痺疾癰瘍急證之人平素稟賦衰薄或向

有陰虛內熱吐血之疾并老人虛人新產人切宜禁用

○集方治中風癱瘓手足顛掉言語蹇澁身體麻木痿痺

不仁或腰脚冷痛或膝眼痠痛并濕滯脚氣足腫難行

用草烏頭三兩炮川烏頭二兩炮乳香沒藥各一兩共

為末用黑豆一升以酢螯二十一箇去頭翅同煮豆熟

去蠶取豆焙乾爲末。配草川烏頭乳沒四味共和勻以醋打麵糊丸梧子大每服三十九。溫酒下。○治年久麻痺不仁或歷節風痛不拘男婦皆可用。用草烏頭八兩去皮切片以酒浸一夜晒乾炒黃色磨極細末布袋一箇盛嫩豆腐腦約豆料一升入烏末在內和勻壓乾再入甑上蒸半日取出搗成膏晒乾爲末每服八分葱酒送下。○治一切風證不拘頭風痛風風痺攣掣疼痛用草烏頭八兩川烏頭二兩俱去皮酒浸一宿隔湯蒸半日搗爲末用生葱生薑各四兩俱搗如泥拌草川烏末在內和作餅子以楮葉鋪盤內安餅于楮葉上又以楮葉蓋之再蓋布帛等物七日待出汗蒸黃乃晒乾。春爲

末。又以生薑汁打麵糊為丸。梧子大。每服三十九。白湯

下。日二服。服後汗出。宜避風。尋愈。○治破傷風。用草烏

頭。切片。酒拌。炒黃為末。每以一二分。溫酒調服。出汗。○

治偏正頭風。用草烏頭。真川芎。蒼朮。各四兩。俱切片。生

薑。生葱。各五兩。搗成膏。拌草烏。川芎。木片。入瓷瓶內。封

固埋土中。春五。夏三。秋七。冬十日。取出。曬乾。揀去葱薑

渣。將草烏。川芎。蒼朮。曬乾為末。醋打麵糊為丸。梧子大。

每服二十九。臨睡時。溫酒下。立効。○治婦人血風頭痛。

用草烏。梔子。各等分。為末。用葱頭自然汁調塗。隨左右

痛處。藥汁勿流入眼。宜避風。○治腦洩臭穢。用草烏去

皮。醋拌炒。五錢。蒼朮。炒。川芎。炒。各一兩。為末。麵糊丸。梧

子大每服十九茶下。○治耳癢如流水。或耳鳴如風雨
 聲不洽成聾。用生草烏。削如棗核大。塞之。日易二次。不
 三日愈。○治喉痺。口燥不開。欲死者。用草烏。皂莢。各等
 分。為極細末。入麝香少許。擦牙。并嚙鼻內。喉自開也。又
 方。用草烏尖。石膽礬。各等分。為末。每用一錢。醋煮皂莢
 汁調稀。掃入喉間腫處。流涎數次。其毒即破。○治牙
 疳臭爛。穿透口鼻。用生草烏燒灰。入麝香少許。為極細
 末。糝之。○治腹中癥痞堅結。妨害飲食。形容羸瘦。用草
 烏二兩。切片。醋拌炒。真川椒三百粒。共為末。大麥麩打
 稀糊為丸。如梧子大。每服五丸。白湯下。○治心胃攻痛。
 疰心寒。疝常發不愈者。用草烏切片。醋炒。吳茱萸炒。各

等分紅麴打稀糊為丸。麻子大。每服十九。日二。○治內

痔不出。用生草烏為極細末。津唾調點肛門內。痔即反

出。再用枯痔藥點之。即落。○治疔瘡惡毒初起。用草烏

川烏頭杏仁各七箇共為末。飛白麴一兩。井華水調搽。

留頭以紙蓋之。乾則以苦茶潤之。○治疔毒惡腫。用草

烏切片一兩。醋半盞。熬成膏。攤貼。次日根出。○治蛇蝎

螫人。用草烏頭為末。敷之。血出愈。○治中沙虱毒。用生

草烏末敷之。

白附子。味辛甘。氣熱。有毒。純陽之藥。專引藥勢上行。

蘇氏曰。白附子。本出高麗。及東海新羅國。今涼州。及遼東亦有。生砂磧下。濕地。陽莖似鼠尾草。細葉。周而生于穗間。形似天雄。根似草烏頭。小者長寸許。乾者皺。文有節。因與附子相似。故得此名。實非附子類也。修治須切片。以黃豆汁拌炒。入藥用。

○白附子。祛風痰。解風毒。善散面上風行百病之藥也。故

曰。華子。治一切冷熱風氣。面疔癩疵。及疥癬風癢等疾。

古方入面脂面粉中。并去風熱血癩痛癢。水濕瘡疾。因

其辛烈而散。上升之力。故能主面上百病。而行藥勢也。

別錄。又主中風口眼喎斜。小兒驚風。搐搦。及婦人血痺。

心痛者。總緣此藥。辛熱風升。故併及之。但氣熱性燥。有

毒。如血虛生風。內熱生驚。似風似驚之證。須禁用之。

○集方治面生粉刺用白附子為末臥時以湯洗面用白

蜜和塗紙上貼之久久自落○治赤白汗斑用白附子

硫黃蜜陀僧各等分共為末薑汁調稀茄蒂蘸擦日三

次○治中風口眼喎斜或半身不遂用白附子白僵蠶

全蝎各四錢枸杞四兩共為末每服二錢熱酒調食後

服○治小兒急慢驚風用白附子甘草膽星全蝎白僵

蠶鈎藤各一錢天竺黃白檀香各二錢牛黃五分共為

末每用錢薄荷湯調服○治小兒暑風暑毒入心痰塞

心孔昏迷搐搦此乃危急之證用白附子天南星半夏

各等分俱生研為末猪膽汁和薑汁為丸黍米大一歲

一丸以薄荷湯化下令兒側臥嘔出痰水即甦○治婦

人血痺心胃疼用白附子切片薑汁浸一日晒乾爲末
每服二錢花椒生薑湯調下。○治風痰眩暈頭痛體氣
壯實者用白附子酒浸炒石膏煨紅各四兩硃砂三
錢甘草五錢共爲末用薑汁打米糊爲丸如梧子大每
服五十九食後苦茶送下

追風祛痰丸治諸風癩癩風世之患此病者甚多。用此
得効者甚廣用白附子麩裹煨防風天麻殭蠶牙皂俱
炒燥各一兩全蝎木香各五錢枯白礬川黃連各三錢
南星三兩白礬牙皂各五錢煎湯浸一宿半夏六兩用
牙皂生薑各二兩共搗爛泡湯浸三日濾起晒乾人參
白朮各一兩共研爲末薑汁半盞和飴糖爲丸如梧桐

子大。每服七丸。以送下。○治勞役辛苦人病。
癩用白附子一兩。天南星二兩。牙皂一兩。生薑汁一碗。
同煮透。入參黃耆茯苓甘草白朮當歸川芎白芍藥肉
桂木香各一兩。俱用酒拌炒。懷熟地四兩。薑汁一碗。酒
一碗。同煮乾。飯鍋上蒸五次。搗膏。紫河車一具。不拘頭
生次生男胎女胎。只要無病婦人者佳。酒煮爛。搗膏和
入前藥內。再搗勻。先梧桐子大。每早晚各服五錢。白湯
下。

天南星味苦辛。氣溫有毒。陰中之陽。可升可降。乃藥中
藥。欲其下行。以黃蘗引之。得防風。則不麻。得牛膝。則
燥。得火炮。則不毒。得牛膽汁拌製。則涼潤而活。得
得生薑汁拌製。則溫散而通行。毛竅。乃急方之燥。

李氏曰。天南星。又名虎掌。因葉形五出如爪。故名。

圓白形如老人星狀。故又名天南星。藏器陳氏曰。

中山山谷。及宛句安東。河北州郡。今近道亦有之。四

節。高尺餘。獨莖。上有葉如鼠尾。中生一葉。如匙。裏

房。旁開一口。上下尖。中有花。青褐色。結實如麻子。

白色。自落布地。一子只一窠。九月葉零。收根。但初

根。僅如豆大。漸長者似半段而扁。年久者始圓。及

如雞卵。周匝生葉三四枝。或五六枝。圓如指。頂宛

掌。又冀州一種。二月生苗。高一二尺。莖似荷梗。葉如

蕪。兩枝相抱。五月開花。黃色。似蛇頭。七月結實。作

右榴子。二八月采根。似芋而扁。與蕪弱相類。人多

混不可辨。但蕪莖莖花紫。根大肌愈。南星根小

肌賦。炮之易裂。為別。然南星即虎掌。同類而異種。

大者。周匝亦有圍葉。但不若虎掌莖葉似爪。五出

也。又江州一種草南星。葉大如掌。面青背紫。三四
無本。經冬不凋。不結花實。根之四畔亦有圓芽。各
同。性氣迥別。不可不辨。修治南星。取重一兩者。氣
倍。用治風痰。須用溫湯洗淨去涎。并以白礬皂角
浸三四日。每日一換。浸足曝乾。用。設有急用。用濕紙
裹埋糠灰火中周匝。綻裂。便可用矣。又一法。以酒
宿。用桑柴火蒸之。常令酒酒入甌內。令氣猛。一時
剖開。味不麻。舌為度。又一法。以生薑片碎拌南星。以
泥封包。煨熟。去泥用。若造麵。用生薑汁及礬湯。和
末作小餅子。安籃內。用稻草包蓋。俟上有黃衣生。即
晒乾。收之。又造膽星法。將南星研細末。臘月取黃芩
膽汁和勻。仍納膽囊內。懸掛有風處乾之。年久愈

○天南星。開結閉。散風痰之藥也。治中風不語。口眼喎
麻痺不仁。或跌撲損傷。血凝氣聚。或打傷頭腦。破傷
腫。或癰疽。痰核。紅腫堅結。此劑味辛而寒。性燥而
氣熱而燥。能勝濕逐涎。性緊而毒。能攻癰。通氣。白
謂能墮胎。因其有散血之力。故也。但其性味辛寒。而

與半夏略同而毒則過之。半夏之性燥而稍緩。南星之性燥而頗急。半夏之辛劣而能守。南星之辛劣而善行。如陰虛血少。血熱血燥之人。不可用也。前人以牛膽製之名曰膽星。牛膽苦寒而潤。有益肝鎮驚之功。製星之燥而使之不毒。若風痰濕痰。急閉涎痰。非南星不能散。如小兒驚風驚痰。四肢搐搦。大人氣虛內熱。熱鬱生痰。非膽星不能療也。二者施用。隨證投之。

○集方治中風^方不語^{正宗}用天南星為末。以指頭蘸少許。指上下兩齒間。再用溫薑湯。數茶匙灌下。○治風中^五經脉^方口眼喎斜。四肢麻痺。或半身不遂。用天南星切片。薑礬水煮。二兩白朮。黃耆。當歸。川芎。川草薢。各二兩五錢。作十

劑服。或作丸亦可。○治打撲金刃傷及破傷風傷濕其

證強直如癰瘰狀者。用天南星防風等分為末。水調敷

瘡。出水為妙。仍以溫酒調服一錢。已死心尚熱。用童便

調灌二錢。鬪毆內傷并墜壓者。酒和童便速灌二三錢

卽甦。亦可煎服。○治跌撲損傷。血脉凝滯不散。疼痛甚

者。用天南星為末。薑汁和酒調塗。如乾燥不時用酒以

鵝羽蘸塗。如跌踣傷肉與骨。血出淋漓。以天南星為末

乾畜傷處。自然生肌收口。○治濕痰臂痛。用天南星蒼

朮等分。生薑減半。水煎服。○治癰疽初起紅腫。用天南

星搗爛和米醋調敷留頂。○治痰癆結核。生皮肌頭面

大者如拳。小者如栗。或軟或硬。不疼不癢。用天南星為

末。米醋調塗。每口頻換貼。卽消。○治大小氣閉昏塞痰

涎上壅。用天南星一兩。切片。薑汁浸。晒乾炒。猪牙皂角

去涎。五錢。廣陳皮八錢。共為末。每服二錢。薑湯調下。○

治小兒急慢驚風。痰迷昏塞。手足搐搦。用膽製南星。天

竺黃各一錢。硃砂五分。共為末。薑湯調服。一歲二分。○

治小兒癇後。瘖不能言。用膽南星為末。薑湯調服。○治

冷風入腦。鼻內結硬。遂流髓涕不止。用大天南星切片。

薑湯泡一次焙乾。每用二錢。甘草五分。大棗七箇。同煎

服。服三四劑。其硬物自出。腦氣流通。髓涕自止。再以大

蒜和葷撥末。作餅。布貼頰間。再隔布以熨斗熨之。或以

香附。葷撥末。用少許。頻吹鼻中。○治酒積酒毒。用天南

星切片。薑湯泡浸一日。焙乾爲末。紅麴打糊爲丸。如梧
子大。每早晚各百餘丸。白湯下。○治腸風瀉血。諸藥不
效。用天南星一兩。生薑五錢。各切片。和石灰三錢。共炒
焦黑色。共爲末。酒糊丸。梧子大。每早服三十丸。白湯下。
○治小兒解顛。顛開不合。用天南星爲細末。酒調貼顛
門。立効。○治解顛脫白。不能收上。用天南星爲細末。薑
汁調塗兩頰。一夜卽上。○治小兒走馬疳蝕。透骨穿腮
者。用生南星一箇。當心剝空。入雄黃末二錢。麴裏燒灰。
去麴爲末。入麝香少許。摻瘡上。數日甚効。

玉簪花味甘辛氣寒有毒

李氏曰玉簪處處園圃栽培。二月生。高尺許。葉
莖如白菘。其葉大如扇。圓而有尖。葉又如車前葉。青曰
色。六七月抽莖。莖上有細葉。中出花。數朵。潔白如豆
長二三寸。本小末大。未開時。如玉簪形。故名。又如摩
茹之狀。開時。後綻四出。中吐黃藥。頗香。不結子。其根連
生。如鬼臼。射干。生黃蘗。有鬚。冬月莖枯。則下根結。一自
新根生。舊根腐矣。亦有紫花者。
葉稍狹耳。皆鬼臼射干之屬也。

玉簪花根解癰毒化骨梗之藥也。其性捷利。推蕩甚速。

非可常服。屢服之。劑善。用者。惟取其隨證。權用而已。

集方治乳癰初起。用玉簪花根搗爛。取汁一盞。和熱酒

服。以渣敷患上。○治慢食骨物。哽碍喉下。用玉簪花根

搗爛。取自然汁。以竹筒灌入喉中。其骨自下。不可着牙

齒。○治牙痛。欲落不落。用玉簪花根。乾者一錢二分。研

砂威靈仙各五分。草烏頭五分。俱為極細末。以少許點

痛牙處。即自落也。○治婦人斷產。用玉簪花根。白鳳仙

花子。各二錢。紫葳三錢。辰砂一錢五分。俱為極細末。蜜

和丸。梧子大。產後一月內。以熱酒半盞。五更時服之。分

作二次服。○治斑蝥毒。用玉簪花根。搗汁服之。即解。

玉簪花葉。味氣同根。李氏曰。治蛇虺螫傷。搗汁和酒服。

以渣敷之。中心留孔。出毒氣。

江魯陶先生曰。玉簪花根葉。捷利推蕩。力能化骨落牙。

下胎斷產。此猛利之物。除此數事外。不可輕用。

半夏味辛苦。氣平。有小毒。氣味俱薄。沉而降。陰中陽也。入

手陽明太陰少陰三經。

蘇氏曰。半夏在處有之。今青州齊州吳中浙中亦有以
濟州者為勝。生田野丘澤間。二月生苗。莖或三四莖
高七八寸。莖端三葉。淺綠色。頗似竹葉。五月生連綴莖
下形似羊眼。圓而且白。八月采用。又江南一種。葉似芍
藥。形大徑寸。南人特重之。又一種。白似蕺子。絕似半夏
但咬嚼味不甚辛麻。微酸者。偽充半夏。不可入藥用。宜
辨之。修治。每半夏一觔。用白芥子四兩為末。以蠟醋先
潤芥子末。次將半夏投入。浸洗之。以涎盡為度。再以生
薑四兩。泡湯浸半夏。冬五夏三日。曬乾。切片用。如法修
治。不切片。或研末。用薑汁共酒。和作餅子。布包待發點
出黃白衣。謂
之半夏。鹽

半夏散風寒利痰涎開結氣燥脾濕朱丹溪內寒之藥也。此

藥生當夏半。本脾胃中州之劑。主治陰陽相半之邪。故

治傷寒邪在少陽半表半裏之間。若寒熱往來。若腹脹

嘔逆若欬若悸若煩若眩若脇下痞鞭入柴胡湯爲開
樞紐之劑入雜病方治心下痞堅胸脹飲積或泄瀉腫
滿腸鳴喘嗽或霍亂嘔吐瘧痢瘴氣是皆脾胃寒濕之
證或中風中氣痰閉昏迷或痿痺癲癩驚悸狂越或心
煩悶亂眩運動搖或痰厥頭痛時吐冷涎或痰包心絡
終夜不寐是皆脾胃鬱痰之證半夏並能治之觀其辛
溫善散辛能理氣開鬱溫能攻表和中所以風寒暑濕
四氣相搏鬱滯不清非半夏不能和七情六鬱九氣所
爲結塞于中非半夏不能散古方立二陳湯以半夏爲
君意在此也但辛溫性燥有毒雖能祛濕化痰分水實
脾散寒氣開鬱結爲專功所大忌者惟在陰虛血少津

液不足諸病。故古人立三禁。謂血家。渴家。汗家也。凡一切吐血。衄血。咯血。咳血。溺血。淋血。便血。痔血。及齒衄。舌上出血。金瘡。產後失血過多者。腎水真陰不足。內熱發渴。中暑發渴者。陽虛自汗。陰虛盜汗者。并心熱煩躁諸證。皆所當禁者也。

繆仲淳先生曰。半夏辛溫而燥。應忌者尚多。凡少陽之邪。漸入于裏。轉煩轉渴。或見鼻衄者。嘔吐由于火衝胃熱。而不由于寒濕痰飲者。心下痞堅脹滿。由于脾陰不足。中焦營氣不能施化。而不由于寒冷飲食停滯者。氣喘由于氣虛。而不由于風寒所鬱者。咳嗽由于陰虛火空。上炎燥肺。喉癢內熱煎熬。津液凝結爲痰。而不由于

寒濕風冷者。霍亂嘔吐。腹痛泄瀉。由于暑熱傷肺。而不
由于寒濕停食者。瘧疾由于陰虛氣疲。久發不愈。而不
由于風暑寒濕所感者。痢疾由于熱積大腸。膿血閉滯。
後重窘迫。暴感時氣。而非久痢。脾虛濕滯者。中風中氣。
偏枯拘攣。痰壅失音。由于中氣大虛。陰陽兩敗。而不由
于痰厥氣閉者。痿躄由于脾氣衰弱。而不由于濕熱傷
筋脈者。瘕病由于汗多亡陽。失血損陰。熱極傷氣。而不
由于邪結氣留而成者。癰瘤由于心虛神亂。驚悸由于
肝虛膽熱。狂越由于陽重熱極。三證俱不由于痰迷胞
絡者。頭痛由于火盛血虛。而不由于痰厥攻腦者。不寐
由于心胃無血。肝膽有熱。而不由于痰聚心胞者。小兒

吐痰由于傷熱生涎。而不由于脾胃停積者。俱禁用之。其所最易悞而難明者。世醫類以其能去痰。凡見痰嗽。莫不先投之。殊不知咳嗽吐痰。寒熱骨蒸。類皆陰虛肺熱。津液漸乾之候。悞服此藥。愈損津液。則肺藏愈燥。陰津愈竭。濃痰轉多。必致聲啞。爲病必篤。蓋此物本脾胃藥。而非肺腎藥也。如寒濕痰飲作嗽。屬胃病者。固宜然。亦百之一二。其陰虛火熾。煎熬真陰。津液化爲結痰。以致聲啞發咳者。往往而是。故凡痰中帶血。口渴咽乾。陰虛咳嗽者。大忌之。司醫者。謹諸戒諸。

汪石山先生曰。脾胃濕熱。氣蒸爲涎。涎化爲痰。此非半夏曷可治乎。俗醫以貝母代之。反滋濕滯。是翹首待斃。

矣。

李時珍先生曰。脾無濕不生痰。故脾爲生痰之源。肺爲貯痰之器。半夏治痰。爲其味辛氣溫。體滑而性燥也。故行濕而通大便。利竅而泄小便。所謂辛走氣。辛化液。辛以潤之。是已。丹溪翁又謂半夏辛溫。能使大便潤而小便長。局方半硫丸治老人虛寒秘。皆取其辛溫能散。能行。能潤也。此說特爲寒痰濕痰壅閉二便而設也。若使血虛火結。二便閉澀不行。妄用溫燥之物。寧無弊劣之禍乎。故甄氏方調非水濕痰癖之邪而用之。是重竭其津液也。豈其所宜。

○集方治傷寒病在少陽。寒熱往來。頭角痛。脇痛。口苦。

或心胸痞滿或煩而嘔用半夏薑製一錢柴胡黃芩人參各八分甘草六分生薑二片水煎服○治脾胃虛寒兼有濕痰泄瀉腫脹者用薑製半夏蒼朮白朮俱炒各三錢砂仁木香人參各一錢炮薑一錢五分水煎服○治腸鳴由裏虛有濕痰者用薑製半夏人參黃耆茯苓各二錢廣陳皮木香各八分加生薑大棗各一錢水煎服○治痰火喘嗽用薑製半夏黃芩花粉杏仁白芥子各一錢五分水煎加竹瀝十餘茶匙○治風寒喘嗽用薑製半夏一錢五分桂枝一錢乾薑一錢甘草五分陳皮杏仁各八分水煎服○治氣滯喘嗽用薑製半夏陳皮枳殼桑皮茯苓桔梗前胡蘇子杏仁各一錢甘草五

分。水煎服。○治氣虛喘嗽。用薑製半夏。廣陳皮。各一錢。

五分。茯苓。人參。白朮。各一錢。甘草。五分。水煎服。○治肺

熱喘嗽。用薑製半夏。一錢。黃芩。黑山梔。桑皮。薄荷。玄參。

知母。萸仁。各一錢二分。甘草。五分。水煎服。○治陰霍亂

吐瀉。用薑製半夏。於白朮。乾薑。附子。人參。肉桂。各二錢。

陳皮。甘草。各八分。水煎冷服。○治傷暑熱。霍亂吐瀉。口

渴喜冷水者。用薑製半夏。厚朴。陳皮。各一錢。川黃連。黃

芩。滑石。木通。各一錢五分。傷食者。加枳實二錢。水煎服。

○治瘧疾瘴氣。用薑製半夏。陳皮。厚朴。蒼朮。各一錢。黃

芩。柴胡。乾葛。知母。各一錢五分。加薑棗煎服。○治久瘧

氣虛。用薑製半夏。陳皮。白朮。黃耆。各一錢五分。當歸。白

芍肉桂龍甲牛膠各二錢加薑棗煎服。○治痢方不用
半夏。惟嘔吐痰涎腹脹少食胃寒口不渴者少加用之。
○治中風中氣見外科家抄裏虛有痰者宜參耆附桂藥中倍加薑
製半夏膽星。○石風痰食痰氣閉生痰用薑製半夏二
錢杏仁二錢去反研水一大盞煎八分臨服時加沉香
末五分調入大壓痰積或酒食傷極驗。○治中風痰厥
昏迷用薑製半夏四兩甘草五錢防風一兩俱炒研爲
末每服五錢薑湯調下。○治留痰成痿手足無力時嘔
痰涎者用薑製半夏四兩酒炒蒼朮二兩真草薺枸杞
子各三兩俱炒研爲末作丸空心服。○治諸病因痰流
入筋絡痲痺者用薑製半夏膽星天麻各等分炒研爲

末每服三錢當歸湯調下。○治癩癰痰結用薑製半夏
四兩天竺黃膽星天麻各三兩牙皂五錢硃砂八錢俱
研極細每服三錢燈心湯調下。○治驚悸不寧聞聲卽
振亂者用薑製半夏膽星天麻天竺黃人參硃砂各等
分爲末每服一錢燈心湯調下。○治痰聚心絡癩狂跳
越者用薑製半夏膽星川黃連各五錢軟石膏一兩火
煨俱爲細末每服三錢薑湯調下。○治心煩悶亂若怔
忡者用薑製半夏三兩茯苓膽星白朮人參各一兩研
末每早晚各服三錢龍眼湯調下。○治痰厥眩暈用薑
製半夏三兩薑製南星二兩天麻一兩寒水石雄黃各
八錢共研細末神麩打糊丸如黍米大每服三錢薑湯

送下。○治痰厥頭痛。或眩暈。時吐冷涎者。用薑製半夏。薑製南星。天麻。萸仁霜。各二兩。川芎。川黃連。各五錢。研細末。水發丸。如菉豆大。每早晚各服三錢。白湯送。○治痰包心絡。終年夜不寐者。用薑製半夏。薑製南星。萸仁霜。各二兩。川黃連。遠志肉。石菖蒲。當歸身。茯苓。各一兩。俱炒研為末。煉蜜丸。如彈子大。每早晚各服二丸。燈心湯調下。○治盤腸生_{人良方}產後子腸不收者。以生半夏末。嚙鼻中。則上也。○治產後_{解後方}暈絕不甦。以生半夏末。冷水和丸。如大豆大。納鼻中。卽甦。○治小兒_{齊指方}驚風。用生半夏末。一錢。牙皂末。五分。吹少許入鼻中。有嚏卽甦。○治小兒_{亦全音}重舌木舌。脹大塞口。用生半夏煎醋。含汨之。○治_交壓

死。溺亦死。自縊死。心頭有濕氣者。用生半夏末。吹入鼻

中。半日即甦。○治打撲瘀痕。用生半夏末。水調塗之。一

夜即散也。○治塌鼻。螫人。用生半夏末。水調塗之。即止

疼。○治諸癭。五六孔相通。用生半夏末。水調塗孔內。一

日二次漸平。

○續集痰證雜方。治風痰喘逆。兀兀欲吐。眩暈欲倒。用薑

製半夏二兩。雄黃三錢。共為末。薑汁為丸。如梧子大。每

服七八十丸。米湯下。○治風痰喘急。用薑製半夏七箇。

炙甘草一寸。牙皂一挺。俱微炒。水煎服。○治濕痰咳嗽。

面黃身重。嗜臥心驚。食飲不消。用薑製半夏。薑製南星。

白朮。各二兩。俱炒研為末。紅麴打糊。丸如梧子大。每服

百丸。白湯下。○治痰積支飢似喘非喘似嘔非嘔似渴
 非渴似噦非噦心下憤憤用薑製半夏一兩生薑二兩
 水三升煮一升服。○治停痰冷飲胸膈滿悶氣短惡心
 飲食不下。或吐痰水用薑製半夏二兩陳皮一兩茯苓
 三兩分作五劑水煎服。○治結痰不出活法語音不清用薑
 製半夏一兩肉桂二錢草烏頭切片炒三分共為末薑
 汁打米糊為丸如芡子大每臥時服二九合嚥化下。○
 治嘔噦眩悸穀食不得下因痰者用薑製半夏一升生
 薑八兩茯苓三兩分作五劑水煎服。○治嘔吐反胃用
 薑製半夏三升人參二兩水二升煮取一升渣用水如
 法再煮升五合總和熬成稠膏加煉白蜜一升收之每

早午晚各服數茶匙。○治胃寒噦通和劑局方用薑製半夏二兩

炒真藿香葉一兩丁皮五錢共為末每服四錢薑湯調

服。○治妊娠嘔吐金匱要略用薑製半夏二兩人參乾薑各一兩

為末每服一錢白湯調下。○治黃疸喘滿和劑局方小便自利者

用生半夏半觔水煮五百沸去水加生薑片四兩水七

升煮取一升六合不住手徐徐服有人氣閉而死心下

暖以此半升遂活。○治白濁李時珍方并夢遺用生半夏二兩浸

洗去涎再煮百沸切片曬乾猪苓二兩同炒黃去猪苓

入煨過牡蠣茯苓各一兩以山藥糊為丸梧子大每服

百丸白湯下腎氣閉而一身精氣無所分泄妄行而遺

者宜用此方蓋半夏有利性猪苓能導水使腎氣通也

如下元虛憊者不可用此。○治喉痺腫寒用生半夏寒鼻內涎出効。

○治痰瀉久不止或多少或或渴或不渴用半夏陳皮茯苓各二錢甘草七分蒼朮白朮砂仁厚朴車前子各三錢加生薑三片烏梅二個水煎服。○治胃寒呃忒不止名丁香柿蒂湯用半夏丁香柿蒂良薑肉桂陳皮木香茴香藿香厚朴砂仁各一錢甘草五分加烏梅二個水煎臨服加沉香磨汁十餘茶匙如寒極手足冷脉沉細加童便製附子一錢五分人參三錢。○治胃熱呃逆發熱自汗口渴者名柴胡柿蒂湯用半夏柴胡黃芩山梔黃連柿蒂藿香陳皮竹茹各一錢甘草五分加燈心一

團水二碗煎八分臨服加沉香磨汁三四茶匙。○治胃中痰火發呃逆者。名連茹柿蒂湯。用半夏砂仁黃連竹茹柿蒂蘇子陳皮貝母各一錢甘草五分加生薑二片烏梅一個水煎服。臨服時加沉香磨汁三四茶匙。○治水寒生冷停胃發呃逆者。名藿薑柿蒂湯。用半夏柿蒂陳皮藿香蒼朮白朮乾薑砂仁木香厚朴各一錢甘草五分加竈心土三錢花椒二十粒水煎服。臨服加沉香磨汁十茶匙。○治陰虛陰火上升發呃逆者。呃聲從臍下上升也。名滋陰柿蒂湯。用半夏麥門冬知母柿蒂山茱萸茯苓牡丹皮山藥澤瀉各一錢懷熟地五錢加生薑二片黑棗五個水煎服。臨服加沉香磨汁六七茶匙。

于躑躅味辛。氣溫。有大毒。

又名關羊花。

蘇氏曰。羊躑躅生向陽山谷。隨地皆有。初春卽生。起苗一尺餘。葉如桃葉。二月終結莖。三四月開花。深黃色。似瓜花。羊誤食此草。卽躑躅而死。故名。開泛卽采。日乾用。不可近眼。

○羊躑躅祛風痛散頑痺之藥也。其性有毒。善能行散。故古方于風麻痺痛。賊風惡毒諸痺之疾。因風寒濕邪爲患者。用此立去。然非元氣未虛。脾胃尚實之人。不可輕用。卽用之。須配大補氣血。及解毒和胃之藥。少用些須可也。

李時珍先生曰。此藥有大毒。有人以其根入酒浸飲。遂至于斃。局方治中風癱瘓。伏虎丹中亦用之。不多服耳。○集方。治風濕痺痛。手足身體不遂。肢節疼痛。言語蹇澁。

用羊躑躅花酒拌蒸三次晒乾三次爲末每以牛乳一
碗酒半碗調服三分○治風痰走注疼痛用新鮮羊躑
躑花生天南星並生時同搗作餅既上蒸四五遍以麻
布囊盛之臨時取焙配枸杞子二倍共爲末蒸餅丸梧
子大每服五丸溫酒下腰脚骨痛空心服手臂痛食後
服大良○治脚氣腫痛牛省之才或痛風手足骨節痛用羊躑躅
煎湯不時淋洗半月全愈○治風蟲牙痛新上方用羊躑躅一
錢草烏頭二錢俱用酒拌蒸晒乾爲末化黃蠟爲丸如
黃豆大綿包一丸咬之追涎

鬼臼味辛氣溫有毒

別錄曰鬼臼生九真山谷及宛河荆州峽州襄州越州屬道等處近以錢塘餘杭徑山之白為上錢塘者味辛微甘上有叢毛餘處味辛稍苦無叢毛方劣少異蘇氏曰並生深山巖石之陰處二三月一莖中空道上莖當葉心葉居莖上如初生荷葉連出八角面青背紫叢生細毛採之氣香且則東向暮則西傾花開葉下紅紫色連莖莖間未嘗見日故又名避天花風來不動無風自搖甘葉或二三層疊總一莖當心直上或旁生岐出必另貫葉心不與本莖相連絡也李氏曰鬼臼根如天南星相疊之狀故市人謂小者為天南星大者為鬼臼殊為謬誤歲生一莖一莖枯下生一白矣以九年十二年者更良一說一年一莖枯一白生而舊口隨腐益陳新相易也

○鬼臼攻濕積散瘀血之藥也此藥性沉而陰味辛而烈

能攻散結痰結氣結血等疾故前古主蠱毒鬼疰精邪怪病并傳尸殞殒及煩惑失覓妄見諸物之疾然此諸

病。何莫非陰邪尸鬼之所為。凡物以類相從。故惟陰草
乃能治乎陰鬼之賊害也。但味辛性燥。凡病屬陽。陽盛
熱極。有似鬼魅為祟。及狂惑失覓妄見者。不可用。

○集方。治氣血痰飲積脹成蠱。用鬼白一筋切片。生薑二

兩。白礬五錢。泡湯浸二日。再用酒煮。搗爛成膏。巴豆肉

三錢。去油。沉香五錢。蟾酥五錢。俱為末。和入為丸。如黍

米大。每早晚各服二三十九。白湯送下。○治鬼疰精邪

怪病。并傳尸。殭。及煩亂迷惑。失覓妄見。諸物之疾。或

神鬼依附等證。用鬼白。取新鮮者。三兩。搗爛。和米醋以

許。貼胸中。背心數日。漸退。未全愈。再貼。○治子死腹中

胞破不生。此方屢効。救人幾萬數。用鬼白不拘多少。黃

色去毛爲細末如粉每服一錢無灰酒一碗同煎
通口服立生如神○治黑黃急病面黃身黃如土色不
導飲食脉沉若青脉入口者死用鬼臼新鮮者搗汁小
盞如無鮮者用乾者爲末白湯調服或用渣搗爛炒熱
布包熨口角耳會玉泉章門心俞等處○治射工中人
使人寒熱發瘡用鬼臼葉一把米醋浸搗取汁一二碗
徐徐服

○瘍科書云。癭氣痛氣。乃氣血凝滯也。癭多生於肩項。痛則隨氣留結。如年月深遠。漸大。漸長。堅硬。不可移者。名曰石癭。皮色不變者。名曰肉癭。筋脉露纏者。名曰筋癭。赤脉交結者。名曰血癭。隨七情憂思消長者。名曰氣癭。五癭皆不可決破。破則膿血崩潰。多致天枉。難治。癩則有六種。骨痛。脂瘤。肉瘤。膿瘤。血瘤。筋瘤。亦不可決破。破亦難醫。惟脂瘤破而去其脂漿。則愈。如海上方。用鬼臼切片。薑汁浸海藻。昆布。海帶。俱用熱水洗淨。海粉水飛。過海螵蛸各二兩。甘草一兩。海螺一個。火燒醋炙。如頸下搖者。用長螺。頸不搖者。用圓螺。其爲極細末。煉蜜丸。如梧子大。每晚臨睡時。口中噙化一丸。

射干。味苦辛。氣寒有毒。陽中陰也。入手少陽少陰厥陰經。

實為肺經本藥。多服瀉人。

別錄曰：射干。多生江南。閩浙。湖廣。平陸。間。今在處皆有。園圃庭臺。多種之。冬至後。宿根生葉。至二三月始抽。片高二三尺。近根之莖。有節若竹。離根三四寸。綠葉橫鋪。扁生如側手掌。宛如翅羽。故有鳥翼。圓翼。諸名。四五片。葉中抽葶。似荳而強硬。出淡紅莖。開紅色花。亦有蜜色者。瓣有細文。間黃紫黑。點次。早互相交。紐如結。秋作房。大如擘指。一房四隔。一隔十餘子。子大如胡椒。色紫黑。極硬。咬之不破。另有一種。名為尾者。葉潤而短。根密而細。花小者。即蝴蝶草。花大色紫者。即紫羅蘭。俱春末作花。與射干迥別也。又一說。射干多生山崖之間。其莖雖細小。亦類木。故荀子云。西方有草名。曰射干。莖長四寸。生於高嶺之上。是也。

○射干散。結熱下結。氣解喉痺咽痛之藥也。此藥苦能下

洩而降。辛能疎散而行。前古主欬逆上氣及喉痺咽痛

不得消息。并去胸中積熱。胃中癰瘡。水蠱腹大風熱客

于吐焦之氣分爲癰癥爲結核爲停痰積血爲癰腫赤
瘍用之甚捷但氣味苦寒洩熱散結消痰去腫然無益
陰之性凡患腫痺癰結屬陰寒而無實熱者脾胃薄弱
藏寒氣血兩虛者禁用之

○集方治欬逆射方上氣射方喉中作水雞聲用射干麻黃各二錢

生薑三片煎服○治喉痺咽痛氣不升降用射干新鮮者

搗汁嚥之大腸動卽解或和米醋噉引涎出卽消○

治癭癥結核因熱氣結聚者用射干連翹夏枯草各等

分爲丸每服二錢食後白湯下○治胃熱停痰有血積

上吐者用射干川貝母懷生地牡丹皮各等分爲末每

服一錢五分食後白湯調下○治癰腫承製方焮赤用射干五

鳳錢益銀花_無兩煎服。○治乳癰并便毒初起用射干

開萱草根為末蜜調敷之立效。○治水蠱腹大動搖水

聲皮膚黑用射干搗汁服一杯水即下。○治二便不通

諸藥不效用射干搗汁一盞服立通。○治中射工毒發

熱生瘡用射干升麻各二兩水三升煎二升溫服。

○治小兒風痰吐沫氣喘咳嗽肚腹膨脹不思飲食用射

干一錢大黃檳榔牽牛子各一錢麻黃甘草各八分俱

微炒研為末每服五分蜜湯調服其證肺脹喘滿胸高

氣急兩脇搖動陷下作坑兩鼻竅脹悶亂嗽渴聲啞不

鳴痰涎壅塞俗云馬脾風若不急治死于旦夕也。

鳳仙花味苦氣寒有毒

李氏曰。鳳仙花人家園圃多種之。二月下子。極易生。四月開花。結一五月下地。可再發苗。那前花也。苗高二三尺。莖有紅白二色。葉如指頭。中虛而脆。葉長尖。似桃柳葉。而有鋸齒。樹間開花。或深淺紅。或白。或紫。或藕色。或一木四五色。其狀頭粗尾足。具翹然如鳳形。故名。白夏初開花。至秋盡。相續結實。然如蓮。翹形有毛。生青熟黃。手觸之。即自裂。皮卷如拳。實中子如蘿蔔子而小。褐色。凶年人采其莖為熟。醋拌。可充蒿筍。嫩華酒浸一宿。亦可食。但此藥不生蟲。蠹蜂。蝶亦不近。恐不能無毒也。

○鳳仙花。活血氣。利筋脉之藥也。李氏方。治腰脇引痛不

可忍。因瘀血為患者。宜用之。

○集方。治跌撲傷損筋骨。并血脉不行。用鳳仙花三兩。當

歸尾三兩。浸酒飲。

○鳳仙根。通經活血之藥也。李氏方。治杖撲腫痛。血脉瘀

○凝此寒滑走散之品其性快便健劑又不宜多服久服

恐損脾胃。瀉元氣也。又化雞魚骨哽并誤吞銅錢五金

○器物。

○集方。治杖打腫痛。用鳳仙花根搗如泥塗腫破處。乾則

○又止。六夜即散。冬月取乾者研末。蜜湯調塗。治咽喉

○為骨物鯁。并誤吞銅錢。用鳳仙花根搗爛。噙骨物

○自下。雞骨効尤速。即以溫水漱口吐去。免損齒也。治

○馬患諸病。用鳳仙花連根葉搗汁熬膏。遇馬有疾。抹其

○眼四角上。即汗出愈。

○鳳仙子。落胞胎。化積塊。下骨硬。通閉竅之藥也。其性急

○速。善能透骨軟堅。危人烹魚肉不腐。投數粒易軟爛。可

知其功用矣。緣其化骨最能損齒。與玉簪根同。凡服者不可着齒也。多用亦戟人咽。

○集方治難產集簡方催生用鳳仙子二錢研末白湯調服勿沾

牙。○治咽中骨硬欲死者用鳳仙子三錢研末白湯調

以竹筒灌入咽中其骨即軟不可經牙或為末吹之。

蕘花味苦氣寒有毒

別錄曰蕘花出咸陽山谷及河南中牟所在亦有近以
雍州者更佳蘇氏曰生岡原上苗似胡荽高二尺莖無
刺四月開花細碎似蕘花開時色黃乾則色白或言蕘
花即蕘花大謬不惟生成形肖不同氣味功能亦少有
分別也○李氏曰蕘花亦蕘花之類
形肖少有不同氣味主治大畧相近

○蕘花行水逐留之藥也。其性善行水。蕘滌腸胃中留痰積飲。癥瘕積聚。又主傷寒溫瘧。邪氣關乎水濕留滯。爲痰爲脹。爲寒熱邪氣者。需此可平。如元氣虛乏。正負而邪勝者。禁用之也。

寇氏曰。張仲景先生以蕘花治利。如小青龍湯云。若微利去麻黃。加蕘花。如雞子大。熬令赤色。取其行水也。水去則利止。其意如此。雖然亦當斟酌。不可遽使。

芫花味苦氣溫有毒

吳氏曰芫花生邯鄲及絳州或淮源山徃今所在皆有
莖餘不全類木又非草本草中木木中草也本高二
尺正二月舊枝抽苗作花有紅紫白四種紫赤者多
白色者間有黃色者絳州所產也三月花落葉生
葉似白前及柳葉而青漸厚則轉黑色根似桑三月采
花五月采葉八九月采根皆見小人爭購古以葉按擦
皮膚輒作赤腫以誣人又和鹽擦頭則染若脂色也修
治以陳年者佳用米醋煮十數沸去醋水浸一宿晒乾
用則毒減矣不可近眼

○芫花行水消脹之藥也藥心前古治欬逆上氣喘呼腫脹及

邪瘧寒熱飲癖脇痛一惟水濕痰涎為害者服之頓解

如仲景治太陽證表不解心下有水氣乾嘔喘欬或利

者用小青龍湯表已解頭痛汗出惡寒心下有水氣乾

嘔脇痛或喘欬者用十棗湯蓋小青龍治未解之表使

水氣從毛竅出開鬼門也

水氣從毛竅出開鬼門也。斗棗湯攻未解之裏使水氣

從二便出潔淨府也。夫飲有五皆因內吸水漿外受濕

氣流于肺則為支飲令人喘咳寒流于肝則為懸飲令人

欬唾痛引流于心下則為伏飲令人胸滿嘔流于腸胃

則為痰飲令人腹鳴吐水胸流于經絡則為溢飲令人

注痛或作芫花大戟甘遂能直達水飲窠囊隱僻之處

但性毒至緊取効極捷病人稍涉虛者宜禁川之

陳廷采先生曰芫花瀉水利濕為要夫水者脾胃腎三

經所主有五藏六府十二經之部分上而頭目中而四

收下而腰膝外而皮毛中而腠肉內而筋骨必審其元

氣壯實脾胃不虛者方可投用

藥方。治咳^方嗽^上氣^方脹喘^用芫花半升。大棗十四枚。水二

升。煮汁三合。徐徐服。○治水^方蠱脹滿。用芫花。枳殼等分。

俱以醋煮乾。焙研為末。紅麴木打糊為丸。梧子大。每服

五十丸。白湯下。○治久瘧^方不愈。并結癖塊。在腹脇堅痛

者。用芫花醋煮過炒。二兩。硃砂三錢。俱為末。煉蜜丸。梧

子大。每服三十九。棗薑湯下。○治五種飲證^方。用芫花醋

煮。大戟酒煮。甘遂童便煮。三處煮過。各等分。焙乾為末。

每服三錢。大棗十枚煎湯調下。○治婦人^方經候不調。鬼

胎癥癖。用芫花三兩。醋煮晒乾炒黃為末。每服一錢。白

湯調服。當利下惡物則止。○治催生^方落胎。用芫花根為

末。加麝香少許。以綿裹納入陰戶中。二三寸。即下。○治

五七

心胃痛有蟲用芫花寒兩醋煮晒乾雄黃十錢共為末
 每服五分醋湯調下。○治一切瘡核并痔瘡用芫花絞
 汁于瓦器內熬膏將絲線于膏內度過晒乾繫痔當微
 痛候痔乾落以紙捻蘸膏納竅內去根永除也。○治粉
 瘤枯法用甘草煎膏以筆蘸塗瘤四圍一日上三次乃
 用芫花大戟甘遂各等分為末醋調塗中心勿近甘草
 次日縮小再以甘草膏塗外再以芫花大戟甘遂末塗
 中其痛自然焦縮。○治腫毒初起用芫花末和廣膠塗
 之。○治酒疸發黃足脛腫用芫花椒目各等分燒末自
 湯調服五分日二服

海芋 味辛有大毒。

又名觀音蓮。

李氏曰海芋生蜀北及江廣深谷澗邊或植園圃中今在處亦有春上苗高四五尺其葉如芋葉極大可以蔽雨葉背紫色夏秋間抽莖開花碧色如大蓮花花中有蕊長作穗如觀音像其根葉皆有大毒根似芋魁大者如升筲長六七寸贊云木幹芋葉。搥腫瘰疬農經勿載可以治瘡。

透山根

李氏曰按韵嶮神書云透山根生蜀中山谷有大毒。草類薜蘿昔有人刈草以刀削之忽黃軟成金取汁點壁立成黃金人誤食此草肌肉藏府即化為血水又庚辛王時云金英草亦生蜀中狀如馬齒莧而色紅摸錢亦可成金亦有入口殺人須臾即化為血水又一軍人在澤州割馬草斷營錄皆成金以草燃釜釜亦成金一人病腹脹呻吟不安一醫以水煎此草一盃與服頃之不復聞聲念已安矣至旦啓牖視之其人血肉俱化為水獨存骸骨在牀視其煎藥之釜則通體成金天觀書中所載即是透山根及金英草之類如此毒草不可

本草叢言

卷五

海芋

透山根

完

不知故備
載之耳

鉤吻。味辛微甘。氣溫。性有大毒。

李氏曰。鉤吻。即胡蔓草。又名斷腸草。入口。即鉤人喉。故各。假食。不半日。即死。蔓生。葉圓。而光。春夏。嫩苗。毒甚。秋冬。枯老。稍緩。五六月。開花。數十朵。作穗。生。嶺南者。花黃。生。嶺南者。花紅。又。吁。為。火把。花。葉。似。黃精。而。莖。紫。當心。抽。花。黃。色。初。生。酷。類。黃。精。人。誤。采。食。即。死。蘇。氏。曰。鉤吻。與。黃。精。酷。似。難。辨。細。審。鉤。吻。莖。是。蔓。生。葉。有。毛。鈿。二箇。黃。精。莖。係。直。生。小。草。葉。似。竹。葉。為。別。也。又。按。葛。氏。左據。神。農。本。草。鉤。吻。名。野。葛。如。中。此。毒。惟。飲。人。屎。汁。或。取生。雞。血。或。鴨。血。或。羊。血。灌。之。或。取。雞。卵。抱。未。成。雛者。研。爛。和。麻。油。灌。之。吐。出。毒。物。可。生。稍。遲。即。死。矣。

朱按。鉤吻。入口。即死。非若他毒藥。有可製服。而後又能

治療急疾者。何本草諸書。又列引神農本經。及別錄方。

稱治金瘡乳疔。中惡風。欬逆上氣。水腫。鬼疰。蠱毒。癥積。

脚膝痺痛等證。莫非不入湯飲。丸散服食料中。而為煎

膏熬汁。為敷貼淋洗之用耶。因前人混說未明。朱不敢

外洋傳信
卷之四

妄為所益集方闕此以俟

高明鑒定